



დაგენდილია აროეპის „დავასაფთაოთ საქართველო“
(უზა 111) ფარგლებში
გვეძეთის მთავრობის
ფინანსერი უზრუნველყოფით



საქართველოს ნარჩენების მართვის კოდექსი

თბილისი, 2016

ნარჩენების მართვის კოდექსი

თავი I. ზოგადი დეგულებები

მუხლი 1. კოდექსის მიზანი და ამოცანა

1. ამ კოდექსის მიზანია ნარჩენების მართვის სფეროში სამართლებრივი საფუძვლების შექმნა ისეთი ღონისძიებების დაწესებისათვის, რაც ხელს შეუწყობს ნარჩენების პრევენციას და ხელახალი გამოყენების ზრდას, ნარჩენების გარემოსთვის უსაფრთხო გზით დამუშავებას (რაც მოიცავს რეციკლირებას და მეორადი ნედლეულის გამოცალევებას, ნარჩენებიდან ენერგიის აღდგენას, ასევე, ნარჩენების უსაფრთხო განთავსებას).
2. ამ კოდექსის ამოცანაა გარემოსა და ადამიანის ჯანმრთელობის დაცვა:

 - ა) ნარჩენების წარმოქმნის და უარყოფითი ზეგავლენის პრევენციით ან შემცირებით;
 - ბ) ნარჩენების მართვის ეფექტიანი მექანიზმების შექმნის გზით;
 - გ) რესურსების მოხმარებით გამოწვეული ზიანის შემცირებითა და რესურსების უფრო ეფექტიანი გამოყენებით.

მუხლი 2. კოდექსის რეგულირების სფერო

1. ეს კოდექსი ვრცელდება ყველა სახის ნარჩენზე, გარდა ამ მუხლის მეორე ნაწილით განსაზღვრული ნარჩენებისა.
2. ამ კოდექსის რეგულირების სფეროს არ განეკუთვნება:
 - ა) რადიოაქტიური ნარჩენები;
 - ბ) აიროვანი გაფრქვევები ატმოსფეროში;

- გ) მიწა (პირვანდელ ადგილზე *in situ*) მათ შორის, ამოუღებელი დაბინძურებული ნიადაგი და მიწასთან განუყოფლად დაკავშირებული შენობები;
- დ) დაუბინძურებელი ნიადაგი და ბუნებაში გავრცელებული სხვა მასალები, რომლებიც მშენებლობის პროცესში გათხრების შედეგად არის ამოღებული, თუ ეჭვგარეშეა, რომ მასალა გამოყენებული იქნება მშენებლობის მიზნებისათვის, მის ბუნებრივ ფორმაში.
- ე) ჩამდინარე წყლები, წყლის ობიექტების (მათ შორის შავი ზღვის) ჩამდინარე წყლებით ან/და ნარჩენებით დაბინძურება.
- ვ) ხმარებიდან ამოღებული ფეთქებადი ნივთიერებები;
- ზ) ფერმერულ ან სატყეო მეურნეობაში გამოყენებული ფერმერული მასები/ნაკელი და სხვა არასახიფათო ბუნებრივი წარმოშობის მასალები;
- თ) სამთო გადამუშავების ნარჩენები - კარიერებზე მუშაობისა და მინერალური რესურსების შესწავლის, მოპოვების, გადამუშავების და შენახვის შედეგად წარმოქმნილი ნარჩენები;
- ი) ხმარებიდან ამოღებული სამხედრო მნიშვნელობის ქიმიური ნივთიერებები.
- კ) სამელიორაციო სისტემებზე განხორციელებული საექსპლუატაციო და სარებილიტაციო ღონისძიებების შედეგად ამოღებული დაუბინძურებული მასები (ნატანი), რომელიც ექვემდებარება სისტემების გასხვისების ზოლებში განთავსებას.
3. საქართველოს მთავრობა ამტკიცებს დადგენილებას ნარჩენების ნუსხის და კლასიფიკაციის შესახებ, სახეობებისა და მახასიათებლების შესაბამისად.

მუხლი 3. ტერმინთა განმარტებები

ამ კოდექსის მიზნებისათვის, ქვემოთ მოცემულ ტერმინებს აქვთ შემდეგი მნიშვნელობა:

- ა) ნარჩენები** - ნებისმიერი ნივთიერება ან ნივთი, რომელსაც მფლობელი იშორებს, განზრახული აქვს მოიშოროს ან ვალდებულია მოიშოროს;
- ბ) სახიფათო ნარჩენები** - ნარჩენები, რომლებიც ავლენენ ამ კოდექსის მესამე დანართში ჩამოთვლილ ერთ ან მეტ სახიფათო თვისებას;
- გ) არასახიფათო ნარჩენები** - ნარჩენები, რომლებსაც არ მოიცავს „სახიფათო ნარჩენების“ განმარტება;
- დ) საყოფაცხოვრებო ნარჩენები** - საოჯახო მეურნეობის მიერ წარმოქმნილი ნარჩენები;
- ე) მუნიციპალური ნარჩენები** - საყოფაცხოვრებო ნარჩენები, აგრეთვე სხვა ნარჩენები, რომლებიც თავისი მახასიათებლებისა და შემადგენლობის მიხედვით საყოფაცხოვრებო ნარჩენების მსგავსია;
- ვ) ინერტული ნარჩენები** - ნარჩენები, რომლებიც არ განიცდიან მნიშვნელოვან ფიზიკურ ქიმიურ ან ბიოლოგიურ ცვლილებებს. ინერტული ნარჩენები არ იხსნება, არ იწვება და არ შედის სხვაგვარ ქიმიურ ან ფიზიკურ რეაქციაში, არ განიცდის ბიოდეგრადაციას და არ ახდენს სხვა მასალაზე ისეთ გავლენას, რაც გამოიწვევს გარემოს დაბინძურებას ან ადამიანის ჯანმრთელობის დაზიანებას;
- ზ) ბიოდეგრადირებადი ნარჩენები** - ნებისმიერი სახის ნარჩენები, რომლებიც ექვემდებარებიან ანაერობულ ან აერობულ დაშლას, მათ შორის, სურსათის/ცხოველის საკვების ნარჩენები, ბალების/პარკების ნარჩენები, ქალალდი და მუყაო;
- თ) თხევადი ნარჩენები** - ნებისმიერი სახის ნარჩენები თხევად მდგომარეობაში;
- ი) სამედიცინო ნარჩენები** - ნებისმიერი ნარჩენი, რომელიც სამედიცინო დაწესებულებების, სამედიცინო ლაბორა-

ტორიების, სამედიცინო კვლევითი ცენტრების, მზრუნველობის დაწესებულებების, ვეტერინარული კლინიკების, ფარმაცევტული საწარმოებისა და საწყობების მიერ არის წარმოქმნილი;

- კ) **ცხოველური ნარჩენები** - ცხოველებთან დაკავშირებული ნარჩენები (ცხოველების სხეულები, ცხოველების სხეულის ნაწილები, ნაკელი, ხორცის ნარმოების ნარჩენები და ცხოველებზე ცდების ჩატარების შედეგად წარმოქმნილი ნარჩენები და სხვა);
- ლ) **სპეციფიკური ნარჩენები** - ნარჩენები, წარმოქმნილი ისეთი პროდუქტისგან, რომელიც თავისი მახასიათებლებისა და ფართო გავრცელების გამო, ნარჩენად გადაქცევის შემდეგ საჭიროებს მართვის სპეციფიკური ზომების მიღებასა და მოვლას (შეფუთვა, ზეთები, საბურავები, ძრავიანი სატრანსპორტო საშუალებები, ბატარეები, აკუმულატორები, ელექტრო და ელექტრონული მოწყობილობა და სხვ.);
- მ) **მწარმოებელი ისეთი პროდუქტისა, რომელიც შემდგომში სპეციფიკური ნარჩენი ხდება** - ფიზიკური ან იურიდიული პირი, რომელიც აწარმოებს, გადაამუშავებს, დაამუშავებს, ყიდის ან იმპორტიორია ისეთი პროდუქტის, რომელიც თავისი სასიცოცხლო ციკლის ამონურვის შემდეგ ხდება სპეციფიკური ნარჩენი;
- ნ) **პროდუქტი** - ყველა მოძრავი ნივთი, თუნდაც ეს ნივთი იყოს სხვა მოძრავი ან უძრავი ნივთის შემადგენელი ნაწილი. პროდუქტი ასევე მოიცავს ბაზარზე განთავსებულ საქონელს, მიუხედავად იმისა, განკუთვნილია თუ არა იგი უშუალოდ საბოლოო მომხმარებლისათვის, რომელიც მიწოდებულია ან სხვაგვარად არის ხელმისაწვდომი კომერციული ან არაკომერციული მიზნებისათვის, უსასყიდლოდ ან საფასურის სანაცვლოდ, როგორც ახალი, გამოყენებული ან გადამუშავებული. წინამდებარე კანონის მიზნები-

სათვის პროდუქტი არ მოიცავს ამ ნივთთან დაკავშირებულ მომსახურებას;

- ო) **ბაზარზე განთავსება** – საქართველოს საბაჟო ტერიტორიაზე, ვარდა თავისუფალი ინდუსტრიული ზონებისა, პროდუქტის ბაზარზე პირველადი მიწოდება ადგილობრივი წარმოების, იმპორტის, ლიზინგის ან სხვა გზით, უსასყიდლოდ ან საფასურის სანაცვლოდ, კომერციული ან არაკომერციული მიზნებისათვის. პროდუქტის ყოველი მომდევნო მიწოდება არ ითვლება ბაზარზე განთავსებად;
- ჰ) **ნარჩენების წარმომქმნელი** - პირი, რომლის საქმიანობის შედეგად წარმოიქმნება ნარჩენები (ნარჩენების თავდაპირველი წარმომქმნელი) ან პირი, რომელიც ახორციელებს წინასწარ დამუშავებას, შერევას და სხვა საქმიანობას, რის შედეგადაც ამ ნარჩენების თვისებები ან შემადგენლობა იცვლება;
- ჸ) **ნარჩენების მფლობელი** - ნარჩენების წარმომქმნელი ან ნებისმიერი ფიზიკური ან იურიდიული პირი, რომელიც ფლობს ნარჩენებს;
- ჹ) **ნარჩენების გადამზიდველი** - ნებისმიერი ფიზიკური ან იურიდიული პირი, რომელიც ახორციელებს ნარჩენების ტრანსპორტირებას;
- ს) **ოპერატორი** - ნებისმიერი ფიზიკური ან იურიდიული პირი რომელსაც მიწიქებული აქვს ნარჩენების შეგროვების, დროებითი შენახვის ან დამუშავების ოპერეტის ან ასეთი ოპერეტის წანილის მართვის უფლება;
- ტ) **ნარჩენების მართვა** - ნარჩენების შეგროვება, დროებითი შენახვა, წინასწარი დამუშავება, ტრანსპორტირება, აღდგენა და განთავსება, ასევე, ამ ღონისძიებების ზედამხედველობა და განთავსების ადგილების შემდგომი მოვლა;
- ჻) **ნარჩენების დამუშავება** - ამ კოდექსის პირველი და მეორე დანართით განსაზღვრული აღდგენის ან განთავსების ოპ-

- ერაციები, ასევე, ნარჩენების წინასწარი დამუშავება აღდგენამდე ან განთავსებამდე;
- ფ) ნარჩენების წინასწარი დამუშავება** - წინასწარი ოპერაციები, რომლებიც ხორციელდება აღდგენამდე ან განთავსებამდე, მათ შორის წინასწარი პროცესები, როგორიცაა დემონტაჟი, სორტირება, დასრუსვა, დაპრესვა, გრანულირება, გაშრობა, დაქუცმაცება, გადაფუთვა, სეპარირება, შერევა და ა.შ.
- ქ) დანაგვიანება** - ნარჩენების გარემოში დაყრა, გადაგდება ან/და მიტოვება, გარდა ამ მიზნისთვის გამოყოფილი კონტეინერებისა და შეგროვების ობიექტებისა;
- ღ) პრევენცია** - ნივთიერების, მასალის ან პროდუქტის ნარჩენად გადაქცევამდე მიღებული ზომები, რაც ამცირებს:
- ღ.ა) ნარჩენების რაოდენობას, რაც, სხვა საშუალებებთან ერთად, მიიღწევა პროდუქტის ხელახლი გამოყენების გზით ან პროდუქტის ვარგისიანობის ვადის გაგრძელების გზით;
 - ღ.ბ) წარმოქმნილი ნარჩენების უარყოფით გავლენას გარემოსა და ადამიანის ჯანმრთელობაზე;
 - ღ.გ) მასალებსა და პროდუქტში მავნე ნივთიერებების შემცველობას.
- ყ) აღდგენა** - საქმიანობა, რომლის ძირითადი შედეგია ნარჩენების გამოყენება სასარგებლო მიზნებისთვის, იმ მასალების ჩანაცვლების გზით, რომლებიც სხვა პირობებში რაიმე ფუნქციის შესასრულებლად იქნებოდა გამოყენებული, რაც განსაზღვრულია, მაგრამ არ შემოიფარგლება, ამ კოდექსის პირველი დანართით. აღდგენა მოიცავს რეციკლირებასაც;
- შ) ხელახლი გამოყენება** - პროდუქტის ან/და მისი კომპონენტების ხელახლა გამოყენება ნარჩენად გადაქცევამდე, მათი თავდაპირველი დანიშნულებით;

- ჩ) მომზადება ხელახლი გამოყენებისთვის** – აღდგენითი ოპერაციები, კერძოდ, შემოწმება, გასუფთვება ან შეკეთება, რის შედეგადაც პროდუქტი ან პროდუქტის კომპონენტი, რომელიც გახდა ნარჩენი, ყოველგვარი სხვა სახის ზემოქმედების გარეშე, მზადა ხელახლი გამოყენებისთვის.
- ც) რეციკლირება** - აღდგენითი ღონისძიება, რომლის საშუალებითაც ნარჩენები გარდაიქმნება პროდუქტად, მასალად ან ნივთიერებად, რომლებიც განკუთვნილია თავდაპირველი ან სხვა მიზნით გამოყენებისთვის. აღნიშნული მოიცავს ორგანული მასალების გადამუშავებას, მაგრამ არ მოიცავს ენერგიის აღდგენას და ისეთ მასალებად გარდაქმნას, რომლებიც გამოყენება საწვავად ან ამოვსების ოპერაციებისთვის;
- დ) შეგროვება** - ნარჩენების შეგროვება, რაც ასევე მოიცავს მათ წინასწარ დახარისხებას და წინასწარ დასაწყობებას ნარჩენების დამუშავების ობიექტზე გადატანის მიზნით;
- ე) სეპარირებული შეგროვება** - ნარჩენების შეგროვება, რომლის დროსაც ნარჩენების ნაკადები განცალკევებულია სახეობების და თვისებების მიხედვით, მათი შემდგომი დამუშავების ხელშეწყობის მიზნით;
- ჸ) ტრანსპორტირება** - ნარჩენების გადატანა ნარჩენების შენახვის ან/და დამუშავების ობიექტზე;
- ჯ) განთავსება** - ნებისმიერი ღონისძიება, რომლებიც განსაზღვრულია, მაგრამ არ შემოიფარგლება, ამ კოდექსის მეორე დანართით;
- ჰ) ნარჩენების დამუშავების ობიექტი** - სტაციონალური ან მობილური ტექნიკური ან არატექნიკური დანაყოფი, სადაც ხორციელდება ნარჩენების დამუშავება (მათ შორის, ნარჩენების გადამტვირთი სადგურები და ადგილები, სადაც მოწყობილია ობიექტები);

- პ) დროებითი შენახვის ობიექტი** - ობიექტი, სადაც ინახება ნარჩენები 3 წელზე ნაკლები დროით, თუ ნარჩენები განკუთვნილია აღდგენისთვის ან 1 წელზე ნაკლები დროით თუ ნარჩენები განკუთვნილია განთავსებისთვის;
- ჰ¹⁾ ნარჩენების გადამტვირთი სადგური** – ობიექტი, სადაც ხორციელდება ნარჩენების გადატვირთვა ნარჩენების დამუშავების ობიექტზე შემდგომი ტრანსპორტირების მიზნით;
- ჰ²⁾ ნაგავსაყრელი** - ნარჩენების განთავსების ობიექტი, სადაც ნარჩენები განთავსდება მიწაზე ან მიწისქვეშ. ის მოიცავს ნარჩენების განთავსების შიდა ობიექტებს (ნაგავსაყრელი, რომელზეც ნარჩენების წარმომქნელი განათავსებს კუთვნილ ნარჩენებს საწარმოს ტერიტორიაზე), მაგრამ არ მოიცავს ნარჩენების დროებითი შენახვისთვის განკუთვნილ ობიექტებს და ნარჩენების გადამტვირთ სადგურებს;
- ჰ³⁾ არსებული ნაგავსაყრელი** - ნაგავსაყრელი რომელიც ფუნქციონირებს ამ კოდექსის ძალაში შესვლის დროს;
- ჰ⁴⁾ ნარჩენების ინსინერაციის საწარმო** - სტაციონალური ან მობილური ტექნიკური ობიექტი ან მოწყობილობა, რომელიც განკუთვნილია ნარჩენების თერმული დამუშავებისთვის, გამოყოფილი წვის სითბოს აღდგენით ან აღდგენის გარეშე, ნარჩენების დაუზაგვით (ოქსიდაციით) ინსინირების გზით და ასევე სხვა თერმული დამუშავების პროცესებით, როგორიცაა პიროლიზი, გაზიფიკაცია ან პლაზმური დამუშავება, თუ აღნიშნული პროცესების შედეგად მიღებული ნივთიერებები ინსინირებულია;
- ჰ⁵⁾ ნარჩენების თანაინსინერაციის საწარმო** – სტაციონალური ან მობილური ტექნიკური ობიექტი ან მოწყობილობა, რომლის ძირითადი დანიშნულებაა ენერგიის მიღება ან მატერიალური პროდუქტის წარმოება და რომელიც იყენებს ნარჩენებს ძირითად ან დამატებით საწვავად ან რომელშიც

ნარჩენები თერმულად მუშავდება განთავსების მიზნით ნარჩენების დაუზაგვით (ოქსიდაციით) ინსინირების გზით და ასევე სხვა თერმული დამუშავების პროცესებით, როგორიცაა პიროლიზი, გაზიფიკაცია ან პლაზმური დამუშავება, თუ აღნიშნული პროცესების შედეგად მიღებული ნივთიერებები ინსინირებულია;

ჰ⁶⁾ ნებართვა – ნებართვა, რომელიც გაცემულია „გარემოზე ზემოქმედების ნებართვის შესახებ“ საქართველოს კანონის, ამ კოდექსისა და მის საფუძველზე გამოცემული კანონქვემდებარე ნორმატიული აქტების შესაბამისად;

ჰ⁷⁾ სამინისტრო - საქართველოს გარემოსა და ბუნებრივი რესურსების დაცვის სამინისტრო;

ჰ⁸⁾ იურიდიული და ფიზიკური პირები - „მენარმეთა შესახებ“ საქართველოს კანონით გათვალისწინებული პირები (გარდა ამ კოდექსის X თავისა).

ჰ⁹⁾ ნარჩენი ზეთები - ნებისმიერი მინერალური ან სინთეტიკური ლუბრიკანტი ან სხვა სახის საწარმოო ზეთი, რომელიც უვარებისი გახდა მისი თავდაპირველი დანიშნულებით გამოყენებისთვის, როგორიცაა გამოყენებული ძრავის ზეთები და გადაცემათა კოლოფის ზეთები, საპოხი ზეთები, ზეთები ტურბინებისთვის, ჰიდრავლიკური ზეთები და სხვა.

ჰ¹⁰⁾ დაბინძურება - გარემოში დამაბინძურებელი ნივთიერების შემცველი ნარჩენის მოხვედრა, რომლებმაც შესაძლოა გამოიწვიოს მავნე ზემოქმედება ადამიანის ჯანმრთელობაზე ან გარემოზე;

ჰ¹¹⁾ რესურსი - ყველა პირველადი ან მეორადი მატერიალური ნედლეული, მათ შორის, ნარჩენები, თუ ისინი გამოიყენება სხვა პირველადი ნედლეულის ნაცვლად;

მუხლი 4. ნარჩენების მართვის იერარქია

1. ნარჩენების მართვის პოლიტიკა და კანონმდებლობა ეფუძნება შემდეგ იერარქიას:
 - ა) ნარჩენების პრევენცია;
 - ბ) მომზადება ხელახალი გამოყენებისთვის;
 - გ) რეციპლირება;
 - დ) სხვა სახის აღდგენა, მათ შორის ენერგიის აღდგენა;
 - ე) განთავსება.
2. ამ მუხლის პირველი ნაწილით განსაზღვრული ნარჩენების მართვის იერარქიასთან მიმართებაში კონკრეტული ვალდებულებების განსაზღვრისას, მხედველობაში მიღებული უნდა იქნას შემდეგი:
 - ა) ეკოლოგიური სარგებელი,
 - ბ) ტექნიკური განხორციელებადობა, შესაბამისი საუკეთესო ხელმისაწვდომი ტექნიკის გამოყენებით და
 - გ) ეკონომიკური მიზანშენონილობა.

მუხლი 5. ნარჩენების მართვის პრინციპები

1. ნარჩენების მართვა უნდა განხორციელდეს ადამიანის ჯანმრთელობისა და გარემოსთვის საფრთხის შექმნის გარეშე, კერძოდ, ისე, რომ:
 - ა) საფრთხე არ შეექმნას წყალს, ჰაერს, ნიადაგს, ფლორას და ფაუნას;
 - ბ) არ გამოიწვიოს ზიანი ხმაურითა და სუნით;
 - გ) არ მოახდინოს უარყოფითი გავლენა ქვეყნის მთელ ტერიტორიაზე, განსაკუთრებით დაცულ ტერიტორიებზე და კულტურულ მემკვიდრეობაზე.
2. ნარჩენების მართვა ხორციელდება შემდეგი პრინციპების გათვალისწინებით:
 - ა) „უსაფრთხოების წინასწარი ზომების მიღების პრინციპი“ - გულისხმობს ზომების მიღებას გარემოსთ-

ვის ნარჩენებით გამოწვეული საფრთხის თავიდან აცილების მიზნით, მაშინაც კი თუ არ არსებობს მეცნიერულად დადასტურებული მონაცემები.

- ბ) **პრინციპი „დამბინძურებელი იხდის“** - ნარჩენების წარმომქმნელი ან მფლობელი ვალდებულია გაიღოს ნარჩენების მართვასთან დაკავშირებული ხარჯები.
- გ) **„სიახლოვის პრინციპი“** - ნარჩენების დამუშავება უნდა განხორციელდეს ყველაზე ახლომდებარე დამუშავების ობიექტზე, გარემოსდაცვითი და ეკონომიკური ეფექტურობის გათვალისწინებით;
- დ) **„თვითუზრუნველყოფის პრინციპი“** - ჩამოყალიბებულია და ფუნქციონირებს მუნიციპალური ნარჩენების განთავსებისა და აღდგენის ობიექტების ინტეგრირებული და ადეკვატური ქსელი.

თავი II.

კომპეტენციები და ზოგადი ვალიულებები

მუხლი 6. კომპეტენტური ორგანოები ნარჩენების მართვის სფეროში

1. ნარჩენების მართვის სფეროში სამინისტროს კომპეტენციებს განეკუთვნება:
 - ა) ნარჩენების მართვის ერთიანი სახელმწიფო პოლიტიკის შემუშავება და განხორციელება;
 - ბ) ნარჩენების სახელმწიფო აღრიცხვა და მონაცემთა ბაზის წარმოება ამ კოდექსის 29-ე და 30-ე მუხლების შესაბამისად;
 - გ) ნარჩენების მართვის ეროვნული სტრატეგიისა და ბიოდიგრადირებადი მუნიციპალური ნარჩენების სტრატეგიის შემუშავება ამ კოდექსის მე-11 მუხლის შესაბამისად;
 - დ) ნარჩენების მართვის ეროვნული სამოქმედო გეგმის შემუშავება, მისი განხორციელების კოორდინაცია და ანგარიშის წარდგენა ამ კოდექსის მე-12 მუხლის შესაბამისად;
 - ე) ამ კოდექსის შესაბამისად ნარჩენების მართვასთან დაკავშირებულ საქმიანობებზე ნებართვის გაცემა და რეგისტრაციის წარმოება;
 - ვ) ნარჩენების პრევენციის, სეპარირების, წინასწარი დამუშავების, ხელახალი გამოყენებისა და რეციკლირების ღონისძიებების ხელშეწყობა;
 - ზ) ნარჩენების მართვასთან დაკავშირებული სახელმწიფო კონტროლის განხორციელება.
2. სამინისტრო, საქართველოს ფინანსთა სამინისტროსთან ერთად არეგულირებს ნარჩენების ტრანსასაზღვრო გადაზიდვას ამ კოდექსის 28-ე მუხლის შესაბამისად.
3. საქართველოს შრომის, ჯანმრთელობისა და სოციალური

დაცვის სამინისტრო, სამინისტროსთან ერთად, არეგულირებს და აკონტროლებს სამედიცინო ნარჩენების მართვას კანონმდებლობით დადგენილი წესით.

4. საქართველოს სოფლის მეურნეობის სამინისტრო, სამინისტროსთან ერთად, არეგულირებს და ზედამხედველობას უწევს ცხოველური ნარჩენების მართვას კანონმდებლობით დადგენილი წესით.
5. საქართველოს ეკონომიკისა და მდგრადი განვითარების სამინისტროს სისტემაში შემავალი შესაბამისი დაწესებულება გასცემს სახიფათო ნარჩენების გადაზიდვაზე სატრანსპორტო საშუალების დაშვების მოწმობას.
6. საქართველოს ეკონომიკისა და მდგრადი განვითარების სამინისტრო და მის სისტემაში შემავალი შესაბამისი დაწესებულება, სამინისტროსთან ერთად, შეიმუშავებს და საქართველოს მთავრობას დასამტკიცებლად წარუდგენს ნარჩენების ტრანსპორტირებასთან დაკავშირებულ მოთხოვნებს:
 - ა) ნარჩენების ტრანსპორტირებისთვის გამოსაყენებელი სატრანსპორტო საშუალებების სტანდარტებისადმი;
 - ბ) ნარჩენების ტრანსპორტირებისთვის გამოსაყენებელი კონტეინერებისადმი;
 - გ) სახიფათო ნარჩენების გადამზიდავი სატრანსპორტო საშუალების მძლოლის გამოცდილებისადმი.
7. საქართველოს რეგიონული განვითარებისა და ინფრასტრუქტურის სამინისტროს კომპეტენციის განეკუთვნება არასახიფათო ნარჩენების ნაგავსაყრელების მოწყობა, მართვა და დახურვა, ასევე ნარჩენების გადამტვირთი სადგურების მოწყობა და მართვა ამ კოდექსისა და შესაბამისი კანონქვემდებარე ნორმატიული აქტების მოთხოვნათა გათვალისწინებით. ამ ნაწილით გათვალისწინებული უფლებამოსილებები მთავრობის გადაწყვეტილებით შეიძლება გადაეცეს მესამე პირს.

8. ამ კოდექსისა და ადგილობრივი თვითმმართველობის კოდექსის შესაბამისად, მუნიციპალიტეტების უფლება-მოსილებას განეკუთვნება: მუნიციპალური ნარჩენების მართვა (მათ შორის მუნიციპალური ნარჩენების მართვის გეგმების შემუშავება) ამ კოდექსის მე-16 მუხლის შესა-ბამისად (გარდა ამავე მუხლის მე-7 ნაწილით გათვალის-წინებული უფლებამოსილებებისა).
9. აჭარის ავტონომიური რესპუბლიკისა და ქალაქ თბილისის ადმინისტრაციულ საზღვრებში მოქცეულ ტერიტორიებ-ზე არასახიფათო ნარჩენების ნაგავსაყრელების მოწყობა, ოპერირება და დახურვა წარმოადგენს თბილისის მუნიცი-პალიტეტისა და აჭარის ავტონომიური რესპუბლიკის შეს-აბამისი ორგანოების უფლებამოსილებას.

მუხლი 7. ნარჩენების მართვასთან დაკავშირებული ზოგადი მოთხოვნები

1. ნარჩენების შეგროვება, ტრანსპორტირება და დამუშავება უნდა განხორციელდეს ნარჩენების სახეობების, თვისე-ბებისა და შემადგენლობის მიხედვით, იმგვარად, რომ შემდგომ დაბრკოლება არ შეექმნას აღდგენას.
2. ნარჩენების შეგროვების, ტრანსპორტირებისა და დამუ-შავებისას მაქსიმალურად უნდა გამოირიცხოს გარემოს დაბინძურება და ადამიანის ჯანმრთელობაზე მავნე ზემო-ქმედება.
3. ტრანსპორტირების შედეგად ნარჩენებით გარემოს დაბინძურების შემთხვევაში, ნარჩენების გადამზიდველი ვალდებულია უზრუნველყოს დასუფთავების ღონისძიე-ბები.
4. ნარჩენების წარმომქმნელი და მფლობელი ვალდებულია ნარჩენები თავად დამუშავოს ან შეგროვების, ტრანს-პორტირებისა და დამუშავების მიზნით გადასცეს ასეთი

საქმიანობის უფლების მქონე პირებს ამ კოდექსისა და საქართველოს კანონმდებლობის შესაბამისად.

5. თუ ნარჩენები გადაცემულია აღდგენისა ან განთავსები-სთვის, ნარჩენების პირველადი წარმომქმნელის ან/და მფლობელის პასუხისმგებლობა ძალაში რჩება ნარჩენების სრულ აღდგენამდე ან განთავსებამდე.
6. პირები, რომლებიც ახორციელებენ ნარჩენების შეგროვე-ბას ან გადაზიდვას, ვალდებული არიან გადასცენ ეს ნარჩენები დასამუშავებლად შესაბამის ობიექტს, რომელ-საც გააჩნია შესაბამისი ნებართვა ან რეგისტრაცია.
7. სახიფათო ნარჩენების ტრანსპორტირების განხორციელე-ბამდე, ნარჩენების გადამზიდველი ვალდებულია მიიღოს ნარჩენების გადაზიდვაზე სატრანსპორტო საშუალების დაშვების მოწყობა, ხოლო სატრანსპორტო საშუალების მძღოლი ვალდებულია თან იქონიოს დაშვების მოწყობა სახიფათო ნარჩენების ტრანსპორტირებისას.
8. აკრძალულია ნარჩენების დაწვა შესაბამისი ნებართვის მქონე ინსინერატორის გარეთ.
9. ნარჩენების ინსინერაციისა და თანაინსინერაციის პირო-ბები განისაზღვრება საქართველოს მთავრობის დადგე-ნილებით.

მუხლი 8. დანაგვიანების აკრძალვა

1. აკრძალულია ნარჩენების გარემოში დაყრა, გადაგდება ან/და მიტოვება, გარდა ნარჩენების შეგროვების კონტეი-ნერებისა და ობიექტებისა.
2. შესაბამისი ღონისძიებების ორგანიზატორები ვალდებულ-ნი არიან დაასუფთაონ დანაგვიანებული ტერიტორია, თუ გარემო დანაგვიანდა მათ მიერ ორგანიზებული ღონისძიე-ბების შედეგად.

3. მუნიციპალიტეტი, რომლის ტერიტორიაც დანაგვიანდა, უფლებამოსილია მოსთხოვოს დამნაგვიანებელს ასეთი ტერიტორიის დასუფთავება. თუ დამნაგვიანებლის დადგენა ან მოძიება შეუძლებელია, მუნიციპალიტეტს შეუძლია დასუფთავების ვალდებულება (გონივრული ვადის მითითებით) დააკისროს ტერიტორიის მფლობელს.
4. თუ დანაგვიანებული ტერიტორია მუნიციპალიტეტის საკუთრებაა, მუნიციპალიტეტმა თავად უნდა იზრუნოს ტერიტორიის დასუფთავებაზე.

მუხლი 9. მნარმოებლის გაფართოებული ვალდებულება

1. ისეთი პროდუქტის უშუალო მნარმოებელმა, რომელიც შემდგომში სპეციფიკური ნარჩენი ხდება და ასეთი პროდუქტის ბაზარზე განმათავსებელმა უნდა იზრუნონ, რომ პროდუქტს მიეცეს ისეთი ფორმა, როთაც უზრუნველყოფილი იქნება:
 - ა) გარემოზე ნეგატიური ზემოქმედების შემცირება და ნარჩენების წარმოქმნის შემცირება წარმოების პროცესში და შემდგომი გამოყენების შედეგად;
 - ბ) პროდუქტის მიერ წარმოქმნილი ნარჩენების აღდგენა და განთავსება.
2. ამ მუხლის პირველი ნაწილით განსაზღვრული ვალდებულების განხორციელება მიიღწევა ისეთი პროდუქტის შექმნის, წარმოებისა და ბაზარზე განთავსების გზით, რომელიც განკუთვნილია მრავალჯერადი გამოყენებისათვის, ტექნიკურად გამძლეა, მისგან წარმოქმნილი ნარჩენები ხელსაყრელია აღდგენისათვის და უსაფრთხოა გარემოში განსათავსებლად.
3. მნარმოებელი ისეთი პროდუქტისა, რომელიც შემდგომში სპეციფიკური ნარჩენი ხდება და ასეთი პროდუქტის ბაზარზე განმათავსებელი ვალდებულია უზრუნველყოს თავისი პროდუქტისგან წარმოქმნილი ნარჩენების სეპარი-

რებული შეგროვება, ტრანსპორტირება, აღდგენა (მ.შ.რე-ციკლირება) და გარემოსათვის უსაფრთხო განთავსება.

4. ამ მუხლის მე-3 ნაწილით განსაზღვრული ვალდებულება უნდა განხორციელდეს ინდივიდუალურად ან მნარმოებელთა გაერთიანების საშუალებით კოლექტიურად.
5. სამინისტრო, საქართველოს ეკონომიკისა და მდგრადი განვითარების სამინისტროსთან და სხვა უწყებებთან ერთად, შეიმუშავებს და საქართველოს მთავრობა იღებს დადგენილებებს, რომლებიც განსაზღვრავენ დეტალურ ვალდებულებებს ამ მუხლით განსაზღვრული მნარმოებლის გაფართოებული ვალდებულების შესახებ.

მუხლი 10. პროდუქტზე გადასახდელების, სუბსიდიების და შეზღუდვების დადგენა

1. ამ კოდექსის პირველი მუხლის მე-2 ნაწილით განსაზღვრული ამოცანების შესრულების მიზნით, კანონმდებლობით დადგენილი წესით შესაძლებელია:
 - ა) დადგინდეს გადასახდელები ან სუბსიდიები გარკვეული პროდუქტის გამოყენებისთვის;
 - ბ) განსაკუთრებულ შემთხვევებში, აიკრძალოს ან შეიზღუდოს გარკვეული პროდუქტის ბაზარზე განთავსება.
2. ამ მუხლის პირველი ნაწილით განსაზღვრული ქმედებები უნდა იყოს მისაღები, აუცილებელი და პროპორციული ამ კოდექსის ამოცანებისა და იმ კონკრეტული მიზნებისა, რომელთა მისაღწვადაც ხორციელდება ასეთი ქმედება. აღნიშნული შეზღუდვების შემოღება დასაშვებია მხოლოდ დაინტერესებულ მხარეებთან კონსულტაციების ჩატარების შემდეგ.

თავი III ნარჩენების მართვის დაგეგმვა

მუხლი 11. ნარჩენების მართვის სტრატეგიები

1. ამ კოდექსის მოთხოვნების შესაბამისად სამინისტრო შეიმუშავებს ნარჩენების მართვის ეროვნულ სტრატეგიას, რომელმაც უნდა განსაზღვროს საქართველოში ნარჩენების მართვის პოლიტიკა და მიზნები. სტრატეგია მოიცავს 15 წლიან პერიოდს.
2. სამინისტრო შეიმუშავებს სტრატეგიას ბიოდეგრადირება-დი მუნიციპალური ნარჩენების მართვის შესახებ, რომელიც განსაზღვრავს ნაგავსაყრელზე განსათავსებელი ბიოდეგრადირებადი ნარჩენების რაოდენობის შემცირების მიზნებს და განსახორციელებელ ღონისძიებებს.

მუხლი 12. ნარჩენების მართვის ეროვნული სამოქმედო გეგმა

1. ამ კოდექსით დასახული მიზნების და პრინციპების შესრულების და მე-11 მუხლის პირველი ნაწილით გათვალისწინებული ნარჩენების მართვის ეროვნული სტრატეგიით განსაზღვრული პოლიტიკის განხორციელების მიზნით, ამ კოდექსის მე-6 მუხლით განსაზღვრულ კომპეტენტურ ორგანოებთან ერთად, ყოველ 5 წელიწადში ერთხელ სამინისტრო შეიმუშავებს და საქართველოს მთავრობა ამტკიცებს ნარჩენების მართვის 5 წლიან ეროვნულ სამოქმედო გეგმას.
2. ნარჩენების მართვის ეროვნული სამოქმედო გეგმის დამტკიცებამდე სამინისტროს მიერ ეწყობა საჯარო განხილვები შესაბამისი დაინტერესებული პირების მონაწილეობით.
3. ნარჩენების მართვის ეროვნულ სამოქმედო გეგმას, დამტკიცების შემდეგ, სათანადო წესით გამოაქვეყნებს საქართველოს მთავრობა.
4. სამინისტრო, სამ წელიწადში ერთხელ, გეგმის განხორ-

ციელების ანგარიშს წარუდგენს საქართველოს მთავრობას.

5. ნარჩენების მართვის ეროვნული სამოქმედო გეგმით განისაზღვრება გარემოსათვის უსაფრთხო ისეთი ღონისძიებები, რომლებიც გატარებული უნდა იქნას ნარჩენების წარმოქმნის პრევენციისთვის, ნარჩენების ხელახალი გამოყენებისთვის, რეციკლირებისთვის, აღდგენისა და განთავსებისათვის.
6. ნარჩენების მართვის ეროვნული სამოქმედო გეგმა უნდა მოიცავდეს:
 - ა) საქართველოს ტერიტორიაზე წარმოქმნილი ნარჩენების სახეობებს, რაოდენობას და წყაროს. მოსალოდნელი ნარჩენების ნაკადების განვითარების შეფასებას;
 - ბ) ხელმისაწვდომ მონაცემებს ნარჩენების ექსპორტისა და იმპორტის შესახებ, ასევე პროგნოზს იმ ნარჩენების შესახებ, რომელთა შემოტანა საქართველოს ტერიტორიაზე ან საქართველოს ტერიტორიიდან გატანაა მოსალოდნელი;
 - გ) ნარჩენების შეგროვების არსებულ სისტემებს და ძირითადი განთავსებისა და აღდგენის ობიექტებს, მათ შორის, სპეციფიკური ნარჩენების ნაკადებისთვის ან სახიფათო ნარჩენებისთვის;
 - დ) არსებული ნარჩენების დამუშავების ობიექტების დახურვის, ნარჩენების დამუშავების დამატებითი ინფრასტრუქტურისა და ახალი შეგროვების სისტემების საჭიროების შეფასებას;
 - ე) ინფორმაციას ნარჩენების სამომავალო განთავსებისა და აღდგენის ობიექტების ადგილმდებარეობის განსაზღვრის კრიტერიუმებისა და მათი წარმადობის შესახებ;
 - ვ) რეგიონული ნაგავსაყრელების ადგილმდებარეობას და მათი ფუნქციონირების დაწყების ვადებს;

- ზ) ნარჩენების მართვის დაგეგმილ ტექნოლოგიებს და მეთოდებს, მათ შორის, ისეთი ნარჩენებისთვის, რომელიც მართვის სპეციფიკურ მიდგომას საჭიროებს;
 - თ) ნარჩენების პრევენციის მიზნით მისაღებ ზომებს და პროგრესის მაჩვენებლებს დაგეგმილი პერიოდისთვის;
 - ი) ნარჩენების მართვასთან დაკავშირებულ ორგანიზაციულ საკითხებს, რაც მოიცავს ნარჩენების მართვის განმახორციელებელ საჯარო და კერძო სამართლის იურიდიულ პირებს შორის პასუხისმგებლობების გადანაწილებას;
 - კ) ნებისმიერ არსებულ ან დაგეგმილ ღონისძიებას მუნიციპალიტეტთაშორისი ნარჩენების შეგროვებისა და დამუშავების ობიექტების შესახებ;
 - ლ) საზოგადოების ცნობიერების ამაღლების ღონისძიებებს და მათი ინფორმირების მექანიზმებს;
 - მ) ინფორმაციას ისტორიულად დაბინძურებული ნარჩენების განთავსების ადგილების და მათი რეაბილიტაციის ზომების შესახებ;
 - ნ) გეგმით გათალისწინებულ ღონისძიებების განხორციელების გზებს და ვადებს, პასუხისმგებელ პირებს, სავარაუდო ხარჯებს და დაფინანსების წყაროებს;
 - ო) სხვა მნიშვნელოვან ინფორმაციას.
7. ნარჩენების მართვის ეროვნული სამოქმედო გეგმის გარდა შესაძლებელია შემუშავდეს ნარჩენების მართვის გეგმები ცალკეული სახეობის ნარჩენებისთვის, როგორიცაა მდგრადი ორგანული დამბინძურებლები, ვერცხლისწყალი, სამედიცინო და ცხოველური ნარჩენები, აზბესტის ნარჩენები და სხვა. ცალკეული სახეობის ნარჩენების მართვის გეგმები უნდა შეესაბამებოდეს ნარჩენების მართვის ეროვნულ გეგმას.

მუხლი 13. მუნიციპალური ნარჩენების მართვის გეგმა

1. თითოეულმა მუნიციპალიტეტმა უნდა მიიღოს საკუთარ ტერიტორიაზე წარმოქმნილი მუნიციპალური ნარჩენების მართვის 5 წლიანი გეგმა. მუნიციპალური ნარჩენების მართვის გეგმა შესაძლოა შემუშავდეს მოსაზღვრე მუნიციპალიტეტების მიერ ერთობლივად.
2. მუნიციპალური ნარჩენების მართვის გეგმა უნდა შეესაბამებოდეს ნარჩენების მართვის ეროვნულ გეგმას და ამ კოდექსის მე-12 მუხლის მე-7 ნაწილით განსაზღვრულ სხვა გეგმებს.
3. მუნიციპალური ნარჩენების მართვის გეგმის მიღებამდე უნდა გაიმართოს საჯარო განხილვები, რომელშიც მონაწილეობას მიიღებენ დაინტერესებული პირები და მოსაზღვრე მუნიციპალიტეტები. საჯარო განხილვები უნდა მოაწყოს შესაბამისმა მუნიციპალიტეტ(ებ)მა.
4. მუნიციპალური ნარჩენების მართვის გეგმა უნდა მოიცავდეს:
 - ა) ინფორმაციას მოსახლეობისგან ნარჩენების შეგროვების არსებული სისტემის შესახებ;
 - ბ) მონაცემებს შეგროვებული, აღდგენილი და განთავსებული არასახიფათო ნარჩენების რაოდენობისა და სახეობების შესახებ;
 - გ) მონაცემებს მოსახლეობისგან შეგროვებული, აღდგენილი და განთავსებული სახიფათო ნარჩენების რაოდენობისა და სახეობების შესახებ;
 - დ) ნარჩენების დამუშავების საწარმოების ადგილმდებარებას;
 - ე) ინფორმაციას მუნიციპალური ნარჩენების, მათ შორის ბიოდეგრადირებადი ნარჩენებისა და შეფუთვის ნარჩენების სეპარირებული შეგროვებისა და აღდგენის სისტემის დანერგვის მიზნით დაგეგმილი ღონისძიებების შესახებ;

- ვ) ნარჩენების დამუშავების ახალი ობიექტების მშენებლობის გეგმებს;
- ზ) ნარჩენების მართვის საკითხებზე საზოგადოების ცნობიერების ამაღლების პროგრამებს;
- თ) ნარჩენების მართვის სფეროში სხვა მუნიციპალიტეტებთან თანამშრომლობის არსებულ და დაგეგმილ ღონისძიებებს;
- ი) გეგმით გათალისწინებულ ღონისძიებების განხორციელების გზებს და ვადებს, პასუხისმგებელ პირებს, სავარაუდო ხარჯებს და დაფინანსების წყაროებს;

მუხლი 14. კომპანიის ნარჩენების მართვის გეგმა

1. ფიზიკური და იურიდიული პირები, რომლებიც წელიწადში წარმოქმნიან 200 ტონაზე მეტ არასახიფათო ნარჩენებს ან 1000 ტონაზე მეტ ინერტულ ნარჩენებს ან ნებისმიერი რაოდენობით სახიფათო ნარჩენებს, ვალდებულინი არიან შეიმუშავონ კომპანიის ნარჩენების მართვის გეგმა, რომელიც, ძირითადად, უნდა მოიცავდეს:
 - ა) ინფორმაციას წარმოქმნილი ნარჩენების შესახებ (წარმოშობა, ნარჩენების სახეობები ნარჩენების ნუსხის შესაბამისად, შემადგენლობა, რაოდენობა);
 - ბ) ნარჩენების წარმოქმნის პრევენციისა და მათი ალდგენისთვის გასატარებელ ღონისძიებებს, განსაკუთრებით, სახიფათო ნარჩენების შემთხვევაში;
 - გ) წარმოქმნილი ნარჩენების სეპარირებისათვის, განსაკუთრებით, სხვა ნარჩენებისგან სახიფათო ნარჩენების განცალკევების მეთოდის აღწერას.
 - დ) ნარჩენების დროებითი შენახვის მეთოდებსა და პირობებს;
 - ე) ნარჩენების დამუშავების გამოყენებულ მეთოდებს ან/და ინფორმაციას იმ პირის შესახებ, რომელსაც გადაეცემა ნარჩენები შემდგომი დამუშავებისთვის.
2. კომპანიის ნარჩენების მართვის გეგმა უნდა წარედგი-

ნოს სამინისტროს, რომლის განხილვისა და შეთანხმების წესს განსაზღვრავს გარემოსა და ბუნებრივი რესურსების დაცვის მინისტრი. გეგმა, მოთხოვნის შემთხვევაში, ხელმისაწვდომი უნდა იყოს დაინტერესებული მუნიციპალიტეტებისთვის და სხვა პირებისათვის.

3. კომპანიის ნარჩენების მართვის გეგმა უნდა განახლდეს ყოველ 3 წელიწადში ერთხელ ან წარმოქმნილი ნარჩენების სახეობების, რაოდენობების და დამუშავების პროცესში არსებითი ცვლილებების შემთხვევაში.

მუხლი 15. გარემოსდაცვითი მმართველი

1. ამ კოდექსის მე-14 მუხლით განსაზღვრული პირი ვალდებულია განსაზღვროს გარემოსდაცვითი მმართველი, რის შესახებაც ინფორმაცია (მმართველის სახელისა და გვარის მითითებით) დაუყოვნებლივ ეგზავნება სამინისტროს.
2. გარემოსდაცვითი მმართველის ნარჩენებთან დაკავშირებული მოვალეობებია:
 - ა) კომპანიის ნარჩენების მართვის გეგმის მომზადება და განახლება;
 - ბ) კომპანიის ნარჩენების მართვის გეგმის შესრულების ორგანიზება;
 - გ) ნარჩენების მართვის თაობაზე კანონმდებლობის მოთხოვნების შესრულებაზე შიდა კონტროლის განხორციელება.
3. გარემოსდაცვითი მმართველის ზემოაღნიშნული ვალდებულებები არ ამცირებს კომპანიის ვალდებულებას, შეასრულოს ამ კოდექსისა და მისგან გამომდინარე კანონქვემდებარე ნორმატიული აქტების მოთხოვნები.

თავი IV.

მუნიციპალური ნარჩენების მართვა

მუხლი 16. მუნიციპალური ნარჩენების შეგროვება და დამუშავება

1. მუნიციპალიტეტებმა უნდა უზრუნველყონ:
 - ა) მუნიციპალური ნარჩენების შეგროვება და ამ მიზნით შეგროვების სისტემის დაწერვა და გამართული ფუნქციონირება;
 - ბ) მუნიციპალური ნარჩენების სეპარირებული შეგროვების სისტემების ეტაპობრივი დაწერვა და გამართული ფუნქციონირება.
2. მუნიციპალური ნარჩენების წარმომქნელები ვალდებული არიან მათ მიერ წარმოქმნილი ნარჩენები ხელმისაწვდომი გახადონ მუნიციპალიტეტის შესაბამისი სამსახურისთვის, ნარჩენების შეგროვების სისტემის არსებობის შემთხვევაში.
3. მოსახლეობის გარდა, მუნიციპალური ნარჩენების სხვა წარმომქნელები უფლებამოსილი არიან არ ისარგებლონ ნარჩენების შეგროვების მუნიციპალური სამსახურის მომსახურეობით და მათ მიერ წარმოქმნილი ნარჩენები შესაგროვებლად და დასამუშავებლად გადასცენ იმ პირებს, რომლებსაც ამ კოდექსის შესაბამისად მინიჭებული აქვთ ნარჩენების შეგროვებისა და დამუშავების უფლება. ასეთ შემთხვევაში, ნარჩენების წარმომქნელი ვალდებულია წინასწარ შეატყობინოს აღნიშნულის თაობაზე შესაბამის მუნიციპალიტეტს.
4. მუნიციპალიტეტის მიერ ნარჩენების სეპარირებული შეგროვების სისტემის დაწერვის შემთხვევაში, მუნიციპალური ნარჩენების წარმომქმნელები ვალდებულია არიან ისარგებლონ აღნიშნული სისტემით.

5. მუნიციპალური ნარჩენების შეგროვება და დამუშავება უნდა განხორციელდეს მუნიციპალური ნარჩენების შეგროვების და დამუშავების წესის შესაბამისად.
6. მუნიციპალიტეტები უფლებამოსილი არიან შექმნან, დაწერვონ და მართონ მუნიციპალური ნარჩენების მართის ერთობლივი სისტემა.
7. პირი რომელიც ახორციელებს ნარჩენების შეგროვებას, ტრანსპორტირებას ან/და დამუშავებას, უნდა ფლობდეს შესაბამის ნებართვას ან გავლილი ქონდეს რეგისტრაცია, ამ კოდექსის VII თავის მოთხოვნათა თანახმად.

თავი V

სახიფათო ნარჩენების მართვა

მუხლი 17. სახიფათო ნარჩენების მართვასთან დაკავშირებული ძირითადი ვალდებულებები

1. სახიფათო ნარჩენების წარმოქმნა, შეგროვება და ტრანსპორტირება, ასევე, მათი დამუშავება და დასაწყობება უნდა განხორციელდეს ისე, რომ უზრუნველყოფილი იქნეს გარემოსა და ადამიანის ჯანმრთელობის დაცვა.
2. აკრძალულია:
 - ა) სახიფათო ნარჩენების გადაგდება, გარდა ნარჩენების შეგროვების კონტეინერებისა;
 - ბ) სახიფათო ნარჩენების საკანალიზაციო სისტემაში, მიწიქვეშა ან/და ზედაპირულ წყლებში, მათ შორის ზღვაში ჩაშვება;
 - გ) სახიფათო ნარჩენების დაწვა შესაბამისი ნებართვის მქონე ინისინერატორის გარეთ;
 - დ) სახიფათო ნარჩენების დამუშავება შესაბამისი ნებართვის მქონე ნარჩენების დამუშავების ობიექტებს გარეთ.
3. მოსახლეობა ვალდებულია მის მიერ წარმოქმნილი მუნიციპალური სახიფათო ნარჩენები მოათავსოს მუნიციპალიტეტის მიერ ამ მიზნით გამოყოფილ სპეციალურ კონტეინერებში, ასეთის არსებობის შემთხვევაში.

მუხლი 18. სახიფათო ნარჩენების მართვასთან დაკავშირებული სპეციალური ვალდებულებები

1. ნარჩენების წარმოქმნელები, რომლებიც წელიწადში 2 ტონაზე მეტ სახიფათო ნარჩენებს წარმოქმნიან, ვალდებული არიან:
 - ა) შექმნან და დანერგონ სახიფათო ნარჩენებისათვის შესაფერისი სეპარირებისა და შეგროვების სისტემა;

- ბ) ამ კოდექსის მე-15 მუხლის შესაბამისად განსაზღვრონ გარემოსდაცვითი მმართველი, რომელიც პასუხისმგებელი იქნება აღნიშნული ნარჩენების უსაფრთხო მართვის შესაბამისი ზომების მიღებაზე;
- გ) უზრუნველყონ სახიფათო ნარჩენებთან მომუშავე პერსონალის ინფორმირება და შესაბამისი სწავლება;
2. ნარჩენების ზუსტი შემადგენლობის დადგენამდე ნარჩენები ითვლება სახიფათოდ.
3. იმ შემთხვევაში თუ საქართველოს ტერიტორიაზე არ არსებობს სახიფათო ნარჩენების დამუშავების ტექნიკური ან/და ტექნილოგიური შესაძლებლობა, სახიფათო ნარჩენი ექვემდებარება ექსპორტს დამუშავების მიზნით. ექსპორტის განხორციელებამდე სავალდებულოა სახიფათო ნარჩენის უსაფრთხო დასაწყობება დროებითი შენახვის ობიექტებზე ამ კოდექსით დადგენილი წესით.
4. ამ მუხლის მე-3 ნაწილით განსაზღვრულ შემთხვევაში, სამინისტროს გადაწყვეტილებით შესაძლებელია დროებითი შენახვის ვადის ერთჯერად, არაუმეტეს ერთი წლით გაგრძელება, თუ დასტურდება, რომ აღნიშნულით ზიანი არ მიადგება ადამიანის ჯანმრთელობასა და გარემოს.
5. სახიფათო ნარჩენების შეგროვება და ტრანსპორტირება ხორციელდება ამ კოდექსის შესაბამისად რეგისტრირებული ფიზიკური ან იურიდიული პირის მიერ.
6. სახიფათო ნარჩენების ტრანსპორტირება უნდა განხორციელდეს ამ კოდექსის 17-ე მუხლის პირველი ნაწილისა და მე-6 მუხლის მე-6 ნაწილით გათვალისწინებული დადგენილების შესაბამისად.

**მუხლი 19. სახიფათო ნარჩენების სხვა ნარჩენებთან შერე-
ვის აკრძალვა**

- დაუშვებელია სახიფათო ნარჩენების სხვა სახის სახიფა-
თო ნარჩენებთან ან სხვა ნარჩენებთან, ნივთიერებებთან
ან მასალებთან შერევა (გარდა ამ კოდექსის მე-17 მუხლის
მე-3 ნაწილით განსაზღვრული შემთხვევისა). შერევა მოი-
ცავს სახიფათო ნივთიერებების გაზავებასაც.
- ამ მუხლის პირველი ნაწილიდან გამონაკლისის სახით, სახ-
იფათო ნარჩენების შერევა შესაძლებელია მხოლოდ სამინ-
ისტროს წინასწარი წერილობითი თანხმობის არსებობის
შემთხვევაში, თუ თანხმობა მოთხოვნილია ოპერატორის
მიერ და შერევა არ მიაყენებს ზიანს ადამიანის ჯანმრთე-
ლობასა და გარემოს.

**მუხლი 20. სახიფათო ნარჩენების შეგროვებისა და და-
მუშავების სპეციალური მოთხოვნები**

- სახიფათო ნარჩენების შეგროვებისა და დამუშავების სპე-
ციალური მოთხოვნები დგინდება საქართველოს მთავრო-
ბის დადგენილებით.
- ამ მუხლის პირველი ნაწილით გათვალისწინებული
აქტებით, სხვა მოთხოვნებითან ერთად განისაზღვრება:
 - სახიფათო ნარჩენების მიკვლევადობის მექანიზმები
წარმოქმნიდან საბოლოო განთავსებამდე;
 - სახიფათო ნარჩენების შეფუთვისა და ეტიკეტირების
მოთხოვნები;
 - მოთხოვნები სახიფათო ნარჩენების დროებითი შენახ-
ვის ობიექტებისთვის;
 - მოთხოვნები მდგრადი ორგანული დამბინძურებლების
ნარჩენებისადმი;
 - მოთხოვნები ისეთი სახიფათო ნარჩენებისადმი, რო-
გორიცაა - ნარჩენი ზეთები, აზბესტის ნარჩენები და
სხვა.

**თავი VI
ნაგავსაყრელები**

მუხლი 21. ნაგავსაყრელების კატეგორიები

- ნაგავსაყრელები იყოფა შემდეგ კატეგორიებად:
 - სახიფათო ნარჩენების ნაგავსაყრელი;
 - არასახიფათო ნარჩენების ნაგავსაყრელი;
 - ინერტული ნარჩენების ნაგავსაყრელი.
- სახიფათო ნარჩენები უნდა განთავსდეს მხოლოდ სახიფა-
თო ნარჩენების ნაგავსაყრელზე.
- არასახიფათო ნარჩენების ნაგავსაყრელზე განთავსდება
მხოლოდ მუნიციპალური ნარჩენები ან ნებისმიერი სხვა
წარმოშობის არასახიფათო ნარჩენები, რომლებიც აკმაყ-
ოფილებენ ნარჩენების მიღების კრიტერიუმებს ამ კატე-
გორიის ნაგავსაყრელისთვის, ამ კოდექსის 22-ე მუხლის
საფუძველზე გამოცემული ნაგავსაყრელების შესახებ
დადგენილების შესაბამისად.
- არასახიფათო ნარჩენების ნაგავსაყრელის ოპერატო-
რი ვალდებულია მიიღოს შესაბამისი მუნიციპალიტეტის
ტერიტორიაზე წარმოქმნილი მუნიციპალური ნარჩენები,
მათ შორის მე-16 მუხლის მე-3 ნაწილით განსაზღვრული
პირებისაგან.
- ინერტული ნარჩენების ნაგავსაყრელზე განთავსდება
მხოლოდ ინერტული ნარჩენები. ის ინერტული ნარჩენე-
ბი, რომლებიც გამოსადევია ამოვსებისა ან სამშენებლო
მიზნებისთვის, შესაძლებელია არ იქნეს განთავსებული
ნაგავსაყრელზე. აღნიშნული საკითხი რეგულირდება ამ
კოდექსის 22-ე მუხლის პირველი ნაწილით გათვალის-
წინებული დადგენილებით.
- ნებართვის მქონე ნაგავსაყრელზე დაშვებულია მხოლოდ
დამუშავებული ნარჩენების განთავსება. აღნიშნული არ

ეხება ინერტულ ნარჩენებს, რომელთა დამუშავება არ არის ტექნიკურად განხორციელებადი, ასევე, არ ეხება ნებისმიერ ისეთ ნარჩენებს, რომელთა ამგვარი დამუშავებით არ მიიღწევა ამ კოდექსის მიზანი.

მუხლი 22. ნაგავსაყრელების მოწყობის, ოპერირების, დახურვისა და შემდგომი მოვლასთან დაკავშირებული მოთხოვნები

1. ნაგავსაყრელების მოწყობის, ოპერირების, დახურვისა და შემდგომი მოვლასთან დაკავშირებული მოთხოვნები
 - a) ტექნიკური და სხვა სახის მოთხოვნები ნაგავსაყრელის მოწყობისადმი;
 - b) ნაგავსაყრელის ოპერირების ტექნიკური და სხვა სახის მოთხოვნები, მათ შორის სხვადასხვა კატეგორიის ნაგავსაყრელზე ნარჩენების მიღების კრიტერიუმების გამოყენებასა და მონიტორინგთან დაკავშირებულ მოთხოვნები;
 - c) ნაგავსაყრელის დახურვისა და შემდგომი მოვლის ტექნიკური და სხვა სახის მოთხოვნები.
 - d) ნაგავსაყრელის ოპერატორების მიერ შესასრულებელი მოთხოვნები და ღონისძიებები, რაც უკავშირდება ადამიანის ჯანმრთელობისა და გარემოსთვის ზიანის მიყენების პრევენციას;
2. დაუშვებელია ნაგავსაყრელზე ისეთი ნარჩენების მიღება, რომლებიც არ აკმაყოფილებენ ამ მუხლის პირველი ნაწილით განსაზღვრული დადგენილებით დადგენილ კრიტერიუმებს.

მუხლი 23. არსებული ნაგავსაყრელები

1. ამ კოდექსის ძალაში შესვლისას არსებული ნაგავსაყრელი ფუნქციონირებას განაგრძობს იმ შემთხვევაში, თუ მას

გააჩნია „გარემოზე ზემოქმედების ნებართვის შესახებ“ საქართველოს კანონის შესაბამისად გაცემული ნებართვა.

2. თუ არსებულ ნაგავსაყრელს არ გააჩნია ამ მუხლის პირველი ნაწილით განსაზღვრული ნებართვა, ნაგავსაყრელის ოპერატორი ვალდებულია „ნაგავსაყრელების მოწყობის, ოპერირების, დახურვის და შემდგომი მოვლის შესახებ“ საქართველოს მთავრობის დადგენილების მიღებიდან 6 თვის ვადაში შეუთანხმოს სამინისტროს ნაგავსაყრელის შესაბამისობაში მოყვანის გეგმა ამ დადგენილების პირობების შესაბამისად. ამ პერიოდში ნაგავსაყრელი განაგრძობს ფუნქციონირებას.
3. სამინისტრო განიხილავს ნაგავსაყრელის ფუნქციონირების გაგრძელებისათვის ოპერატორის მიერ წარდგენილ დოკუმენტაციას და „ნაგავსაყრელების მოწყობის, ოპერირების, დახურვის და შემდგომი მოვლის შესახებ“ საქართველოს მთავრობის დადგენილების პირობების გათვალისწინებით მიიღებს შემდეგ გადაწყვეტილებას:
 - a) თუ არსებული ნაგავსაყრელი სერიოზული რისკის შემცველია გარემოსათვის და ადამიანის ჯანმრთელობისთვის და ოპერატორის მიერ ამ რისკის თავიდან აცილება შეუძლებელია, ასეთი ნაგავსაყრელ უნდა დაიხუროს ამ კოდექსის ძალაში შესვლიდან არაუგვიანეს 4 წლისა. ასევე, ამავე ვადაში უნდა დაიხუროს ის ნაგავსაყრელები რაზედაც არ იქნა წარდგენილი შესაბამისობაში მოყვანის გეგმა ოპერირების გაგრძელების მიზნით;
 - b) თუ არსებული ნაგავსაყრელი, სერიოზულ რისკს არ წარმოადგენს გარემოსათვის და ადამიანის ჯანმრთელობისათვის, მაგრამ მისი შესაბამისობაში მოყვანა შეუძლებელია ამ კოდექსის და მისგან გამომდინარე დადგენილებების მოთხოვნებთან, იგი ფუნქციონი

რებას გააგრძელებს სამინისტროს მიერ დადგენილი პირობებით. ასეთი ნაგავსაყრელი უნდა დაიხუროს ამავე მუხლით გათვალისწინებული დადგენილების ძალაში შესვლიდან 8 წლის ვადაში;

გ) თუ არსებული ნაგავსაყრელი შესაძლებელია მოყვანილ იქნეს შესაბამისობაში ამ კოდექსისა და დადგენილებების მოთხოვნებთან, მას შესაძლებელია მიეცეს საქმიანობის გაგრძელების უფლება მოთხოვნილი ვადით.

თავი VII

ნარჩენების მართვასთან დაკავშირებულ საქმიანობების ნებართვა და რეგისტრაცია

მუხლი 24. ნარჩენების დამუშავებასთან დაკავშირებული საქმიანობები, რომლებიც ექვემდებარება ეკოლოგიურ ექსპერტიზას

1. „გარემოზე ზემოქმედების ნებართვის შესახებ“ საქართველოს კანონით დადგენილი პროცედურის შესაბამისად ეკოლოგიურ ექსპერტიზას ექვემდებარება:
 - ა) ნარჩენების აღდგენა, არასახიფათო ნარჩენების წინასწარი დამუშავების გარდა;
 - ბ) ნარჩენების განთავსება, არასახიფათო ნარჩენების წინასწარი დამუშავების გარდა;
 - გ) სახიფათო ნარჩენების წინასწარი დამუშავება;
 - დ) 10 ტონაზე მეტი მოცულობის სახიფათო ნარჩენების დროებითი შენახვის ობიექტის მოწყობა;
2. ამ მუხლის პირველი ნაწილით გათვალისწინებულ საქმიანობებზე ნებართვის მიღების მიზნით სამინისტროში ნარსადგენი დოკუმენტაციის ჩამონათვალი და მოთხოვნები მათი შინაარსის მიმართ განისაზღვრება ამ კოდექსით, „გარემოზე ზემოქმედების ნებართვის შესახებ“ საქართველოს კანონით და მათ საფუძველზე გამოცემული კანონქვემდებარე ნორმატიული აქტებით.
3. თუ პირი ახორციელებს პირველ ნაწილში ჩამოთვლილ ერთზე მეტ საქმიანობას, მასზე შესაძლებელია გაიცეს ერთი ნებართვა.

მუხლი 25. ნარჩენების დამუშავებასთან დაკავშირებულ საქმიანობის ნებართვის მისაღებად წარსადგენი ინფორმაცია

„გარემოზე ზემოქმედების ნებართვის შესახებ“ საქართველოს კანონის და მის საფუძველზე მიღებული კანონქვემდე-

ბარე ნორმატიული აქტებით დადგენილი ინფორმაციის გარდა, ნარჩენების დამუშავებასთან დაკავშირებით, სამინისტროში დამატებით წარდგენილი უნდა იქნეს ასევე შემდეგი ინფორმაცია:

- ა) დასამუშავებელი ნარჩენების სახეობა (კოდი და დასახელება ამ კოდექსის მე-2 მუხლის მე-3 ნაწილის საფუძველზე გამოცემული დადგენილების შესაბამისად);
- ბ) დასამუშავებელი ნარჩენების რაოდენობა და წარმოშობა;
- გ) ამ კოდექსის I ან II დანართის შესაბამისად, ნარჩენების დამუშავების ოპერაციების კოდები და აღნერილობა;
- დ) გამოსაყენებელი საშუალებები და მოწყობილობები, ასევე მათი წარმადობა;
- ე) ინფორმაცია მოსაწყობი ნაგავსაყრელის შესახებ კანონმდებლობის შესაბამისად.

მუხლი 26. ნარჩენების მართვასთან დაკავშირებული საქმიანობების რეგისტრაცია

1. რეგისტრაციას ექვემდებარება ნარჩენების მართვასთან დაკავშირებული შემდეგი საქმიანობები:
 - ა) ნარჩენების შეგროვება ან/და ტრანსპორტირება;
 - ბ) 50 ტონაზე მეტი მოცულობის არასახიფათო ნარჩენების დროებითი შენახვის ობიექტების მოწყობა და ოპერირება;
 - გ) არასახიფათო ნარჩენების წინასწარი დამუშავება ;
 - დ) არანაკლებ 2 ტონა და არაუმეტეს 10 ტონის მოცულობის სახიფათო ნარჩენების დროებითი შენახვის ობიექტების მოწყობა და ოპერირება.
 - ე) ნარჩენების გადამტვირთი სადგურების მოწყობა და ოპერირება.
2. ამ მუხლის პირველი ნაწილით გათვალისწინებულ საქმი-

ანობებზე რეგისტრაცია ხორციელდება „მეწარმეთა შესახებ“ საქართველოს კანონის შესაბამისად რეგისტრირებულ მეწარმე სუბიექტებზე, სახელმწიფო და მუნიციპალურ საწარმოებზე და მუნიციპალიტეტების ასოციაციებზე (გაერთიანებებზე).

3. ნარჩენების შეგროვების, ტრანსპორტირების, წინასწარი დამუშავებისა და დროებითი შენახვის რეგისტრაციის წესი და პირობები განისაზღვრება საქართველოს მთავრობის დადგენილებით.

მუხლი 27. ნებართვებისა და რეგისტრაციების რეესტრი

ამ კოდექსის საფუძველზე გაცემული ნებართვები და რეგისტრაციები უნდა აისახოს ნარჩენების მონაცემთა ეროვნულ ბაზაში ამ კოდექსის 30-ე მუხლის შესაბამისად.

თავი VIII

ნარჩენების ტრანსსასაზღვრო გადაზიდვა

მუხლი 28. ნარჩენების ტრანსსასაზღვრო გადაზიდვა

საქართველოს ტერიტორიაზე ნარჩენების იმპორტი, ექსპორტი და ტრანზიტი (ტრანსსასაზღვრო გადაზიდვა) რეგულირდება „საქართველოს ტერიტორიაზე ნარჩენების ტრანზიტისა და იმპორტის შესახებ“ საქართველოს კანონისა და ქ. ბაზელში 1989 წელს ხელმოწერილი „სახიფათო ნარჩენების ტრანსსასაზღვრო გადაზიდვისა და მათ განთავსებაზე კონტროლის შესახებ“ კონვენციის მოთხოვნებისა და პროცედურების გათვალისწინებით.

თავი IX

ნარჩენების აღრიცხვისა, ანგარიშგებისა და ნარჩენების მართვის მონაცემთა პაზა

მუხლი 29. ნარჩენების აღრიცხვისა და ანგარიშგების ვალდებულება

1. ნარჩენების აღრიცხვისა და სამინისტროს წინაშე შესაბამისი ანგარიშგების ვალდებულება ეკისრებათ იმ იურიდიულ და ფიზიკურ პირებს:
 - ა) რომელთა სამენარმეო საქმიანობა დაკავშირებულია ნარჩენების შეგროვებასთან, ტრანსპორტირებასთან ან/და ნარჩენების დამუშავებასთან;
 - ბ) რომელთა საქმიანობა დაკავშირებულია წელიწადში 2 ტონაზე მეტ არასახიფათო ნარჩენების (მუნიციპალური ნარჩენების გამოკლებით) ან/და ნებისმიერი რაოდენობით სახიფათო ნარჩენების წარმოქმნასთან.
2. ფიზიკურმა და იურიდიულმა პირებმა ამ მუხლის პირველი ნაწილით განსაზღვრული მონაცემები უნდა შეინახონ სამინისტროს განმავლობაში. აღნიშნული არ ვრცელდება ნაგავსაყრელების ოპერატორებზე, რომლებიც ვალდებული არიან შეინახონ მონაცემები ნაგავსაყრელის ფუნქციონირების ვადის ამონურვამდე და ასევე ნაგავსაყრელის დახურვის შემდგომი მოვლის პერიოდში.
3. ნარჩენების აღრიცხვისა და ანგარიშგების ვალდებულება არ ეკისრება მოსახლეობას.
4. საქართველოს მთავრობა დადგენილებით განსაზღვრავს ნარჩენების აღრიცხვის წარმოების, ანგარიშგების განხორციელების ფორმასა და შინაარსს.

მუხლი 30. ნარჩენების მონაცემთა ბაზა

სამინისტრო აწარმოებს და ანახლებს ნარჩენების მონაცემთა ბაზას, რომელიც მოიცავს:

- ა) ამ კოდექსის 29-ე მუხლით განსაზღვრულ ინფორმაციას;
- ბ) ინფორმაციას იმ პირების შესახებ, რომლებზეც ამ კოდექსის 24-ე მუხლის თანახმად გაიცა შესაბამისი ნებართვა;
- გ) ინფორმაციას იმ პირების შესახებ, რომლებიც ამ კოდექსის 26-ე მუხლის თანახმად დაექვემდებარენ რეგისტრაციას.

თავი X

ადმინისტრაციული სამართალდარღვევები და საქმის ნარმოება

მუხლი 31. მუნიციპალური ნარჩენებით გარემოს დანაგვიანება

1. 2 კგ-მდე მუნიციპალური ნარჩენებით გარემოს დანაგვიანება, - გამოიწვევს დაჯარიმებას 80 ლარის ოდენობით.
2. იგივე ქმედება ჩადენილი საცხოვრებელი სახლებიდან ან შენობა-ნაგებობებიდან, - გამოიწვევს დაჯარიმებას 100 ლარის ოდენობით.
3. იგივე ქმედება ჩადენილი ავტოსატრანსპორტო საშუალებიდან, - გამოიწვევს მძღოლის, ხოლო საზოგადოებრივი ტრანსპორტის შემთხვევაში, დამრღვევის დაჯარიმებას 120 ლარის ოდენობით.
4. ხუთ ერთეულამდე საბურავით გარემოს დანაგვიანება (ველოსიპედის საბურავის გარდა), - გამოიწვევს დაჯარიმებას 150 ლარის ოდენობით.
5. ხუთი ან ხუთ ერთეულზე მეტი საბურავით გარემოს დანაგვიანება (ველოსიპედის საბურავების გარდა), - გამოიწვევს დაჯარიმებას 500 ლარის ოდენობით.
6. 2 კგ-მდე ბატარეების, აკუმულატორების, ელექტრონათურების, ელექტროსაქონელის, გრაფიტის ელექტროდების, ასევე ბასრი ან მჩხვლეტავი საგნების, მათ შორის შუშის ნამსხვრევების, ლურსმნების და სხვა მსგავსი ნარჩენებით გარემოს დანაგვიანება, - გამოიწვევს დაჯარიმებას 100 ლარის ოდენობით.
7. 2 კგ ან მეტი ოდენობის მუნიციპალური ნარჩენებით (გარდა ამ მუხლის მე-8 ნაწილით გათვალისწინებული შემთხვევისა) გარემოს დანაგვიანება, - გამოიწვევს ფიზიკური

პირის დაჯარიმებას 150 ლარის ოდენობით, ხოლო იურიდიული პირის დაჯარიმებას – 500 ლარის ოდენობით.

8. 1 მ³-ზე მეტი ოდენობით მუნიციპალური ნარჩენებით გარემოს დანაგვიანება, - გამოიწვევს ფიზიკური პირის დაჯარიმებას 300 ლარის ოდენობით, ხოლო იურიდიული პირის დაჯარიმებას – 1000 ლარის ოდენობით.
9. დიდი მოცულობის ნარჩენებით (მათ შორის სატრანსპორტო საშუალების, ელექტრო და ელექტროფენიკური დანადგარების, სამშენებლო დანადგარებისა და სხვა მსგავსი მოწყობილობების) გარემოს დანაგვიანება, - გამოიწვევს ფიზიკური პირის დაჯარიმებას 500 ლარის ოდენობით, ხოლო იურიდიული პირის დაჯარიმებას – 1500 ლარის ოდენობით.

შენიშვნა:

1. ამ მუხლის მე-9 ნაწილით გათვალისწინებული დიდი მოცულობად ითვლება თუ ნარჩენი ფარავს 2 მ²-ზე მეტ ფართობს.
2. თუ ამ მუხლის მე-3 ნაწილით გათვალისწინებული ავტოსატრანსპორტო საშუალების (საზოგადოებრივი ტრანსპორტის გარდა) სალონიდან საყოფაცხოვრებო ნარჩენების გზაზე დაყრის შემთხვევაში ადმინისტრაციული სამართალდარღვევის ფაქტზე საპატრულო პოლიციელმა, ადგილობრივი თვითმმართველობის ორგანოს ან სამინისტროს სისტემაში შემავალი დაწესებულებების უფლებამოსილმა თანამშრომელმა ადგილზე არ შეადგინა ადმინისტრაციული სამართალდარღვევის შესახებ ოქმი (საჯარიმო ქვითარი) ან ავტოსატრანსპორტო საშუალების მძღოლს არ შეუფარდა ადმინისტრაციული სახდელი და ადმინისტრაციული სამართალდარღვევის ეს ფაქტი დაფიქსირებულია ვიდეოფირზე ან/და ფოტოფირზე, მაშინ ამ მუხლის პირველი ნაწილით გათვალისწინებუ-

ლი ჯარიმის გადახდა დაეკისრება ავტოსატრანსპორტო საშუალების მესაკუთრეს, რომელსაც ადმინისტრაციული სახდელის დადების შესახებ დადგენილება გაეგზავნება რეგისტრაციის ადგილის მიხედვით.

3. ამ მუხლის პირველი-მე-7 ნაწილებით გათვალისწინებულ შემთხვევაში პირი, რომლის მიმართაც შედგენილია ადმინისტრაციული სამართალდარღვევის ოქმი, ვალდებულია დაუყოვნებლივ დაასუფთავოს ნარჩენებით დანაგვიანებული ტერიტორია.

მუხლი 32. სამშენებლო ან სხვა ინერტული ნარჩენებით გარემოს დანაგვიანება

1. 1 მ³-მდე მოცულობით სამშენებლო ან სხვა ინერტული ნარჩენებით გარემოს დანაგვიანება, - გამოიწვევს ფიზიკური პირის დაჯარიმებას 200 ლარის ოდენობით, ხოლო იურიდიული პირის დაჯარიმებას – 500 ლარის ოდენობით.
2. 1 მ³ ან მეტი მოცულობით სამშენებლო ან სხვა ინერტული ინერტული ნარჩენებით გარემოს დანაგვიანება, გამოიწვევს ფიზიკური პირის დაჯარიმებას 500 ლარის ოდენობით, ხოლო იურიდიული პირის დაჯარიმებას – 1500 ლარის ოდენობით.

შენიშვნა:

ამ მუხლის პირველი ნაწილით გათვალისწინებულ შემთხვევაში პირი, რომლის მიმართაც შედგენილია ადმინისტრაციული სამართალდარღვევის ოქმი, ვალდებულია დაუყოვნებლივ დაასუფთავოს ნარჩენებით დანაგვიანებული ტერიტორია.

მუხლი 33. შლამისებრი ნარჩენი ნივთიერებებით - ფეკალური მასებით ან კანალიზაციის ნარჩენებით დაბინძურება

1. ძალლის ან სხვა შინაური ცხოველის მცირე ოდენობის ფეკალური მასებით ტერიტორიის დაბინძურება, - გამოიწვევს პირის დაჯარიმებას 50 ლარის ოდენობით
2. 1 მ³-მდე მოცულობის ფეკალური მასებით ან კანალიზაციის ნარჩენებით ტერიტორიის დაბინძურება, - გამოიწვევს ფიზიკური პირის დაჯარიმებას 150 ლარის ოდენობით, ხოლო იურიდიული პირის დაჯარიმებას – 500 ლარის ოდენობით.
3. 1 მ³ ან მეტი მოცულობის ფეკალური მასებით ან კანალიზაციის ნარჩენებით ტერიტორიის დაბინძურება, - გამოიწვევს ფიზიკური პირის დაჯარიმებას 500 ლარის ოდენობით, ხოლო იურიდიული პირის დაჯარიმებას – 2000 ლარის ოდენობით.

შენიშვნა

1. ამ მუხლის პირველი ნაწილით გათვალისწინებული პასუხისმგებლობა ვრცელდება შესაბამისი მუნიციპალიტეტების წარმომადგენლობითი ორგანოს ნორმატიული აქტით განსაზღვრულ ტერიტორიებზე განხორციელებულ ქმედებებზე.
2. ამ მუხლის პირველი ნაწილით გათვალისწინებული პასუხისმგებლობა არ დაეკისრება ძალლის ან სხვა შინაური ცხოველის მეპატრონეს, თუ იგი დაუყოვნებლივ და სრულად მოასუფთავებს დაბინძურებულ ტერიტორიას.

მუხლი 34. ცხოველთა სხეულების ნარჩენებით გარემოს დანაგვიანება

1. ცხოველთა სხეულების ნარჩენების 20 კგ-მდე ოდენობით (მათ შორის სასაკლაონებიდან) გარემოს დანაგვიანება, - გა-

მოიწვევს ფიზიკური პირის დაჯარიმებას 150 ლარის ოდენობით, ხოლო იურიდიული პირის დაჯარიმებას – 500 ლარის ოდენობით.

2. იგივე ქმედება ჩადენილი 20 კგ ან მეტი ოდენობით, - გამოიწვევს ფიზიკური პირის დაჯარიმებას 300 ლარის ოდენობით, ხოლო იურიდიული პირის დაჯარიმებას – 1000 ლარის ოდენობით

შენიშვნა:

ამ მუხლის პირველი ნაწილით გათვალისწინებულ შემთხვევაში პირი, რომლის მიმართაც შედგენილია ადმინისტრაციული სამართალდარღვევის ოქმი, ვალდებულია დაუყოვნებლივ დაასუფთავოს ნარჩენებით დანაგვიანებული ტერიტორია.

მუხლი 35. არასახიფათო ნარჩენების ღია წესით ან არადანიშნულების საწვავ დანადგარებში დაწვა

1. მუნიციპალური არასახიფათო ნარჩენების (ფოთლების, პალის ნარჩენების, საოჯახო მეურნეობის მიერ წარმოქმნილი ნარჩენების) დაწვა ღია წესით ან არადანიშნულების საწვავ დანადგარებში - გამოიწვევს დაჯარიმებას 200 ლარის ოდენობით.
2. მუნიციპალური არასახიფათო ნარჩენების, გარდა ამ მუხლის პირველი ნაწილით გათვალისწინებული ნარჩენებისა, (მათ შორის საბურავების, რეზინის და სხვა ელასტომერული მასალების) დაწვა ღია წესით ან არადანიშნულების საწვავ დანადგარებში - გამოიწვევს დაჯარიმებას 500 ლარის ოდენობით.

მუხლი 36. სახიფათო ნარჩენების მართვასთან დაკავშირებული მოთხოვნებისა და ვალდებულებების შეუსრულებლობა

1. სახიფათო ნარჩენების ჩაშვება საკანალიზაციო სისტემაში ან ზედაპირულ ან მიწიქვეშა წყლებში, - გამოიწვევს ფიზიკური პირის დაჯარიმებას 400 ლარის ოდენობით, ხოლო იურიდიული პირის დაჯარიმებას – 1000 ლარის ოდენობით.
2. სახიფათო ნარჩენებით გარემოს დანაგვიანება ან სხვა ტიპის ქმედება, ნარჩენების შეგროვებისთვის გამოყოფილი კონტეინერების გარეთ, - გამოიწვევს ფიზიკური პირის დაჯარიმებას 400 ლარის ოდენობით, ხოლო იურიდიული პირის დაჯარიმებას – 1000 ლარის ოდენობით.
3. სახიფათო ნარჩენების ინსინერაცია შესაბამისი ნებართვის მქონე ინსინერატორის გარეთ, - გამოიწვევს ფიზიკური პირის დაჯარიმებას 500 ლარის ოდენობით, ხოლო იურიდიული პირის დაჯარიმებას – 1500 ლარის ოდენობით.
4. სახიფათო ნარჩენების დამუშავება სათანადო ნებართვის მქონე ნარჩენების დამუშავების ობიექტების გარეთ, - გამოიწვევს ფიზიკური პირის დაჯარიმებას 500 ლარის ოდენობით, ხოლო იურიდიული პირის დაჯარიმებას – 1500 ლარის ოდენობით.

შენიშვნა:

ამ მუხლის საჭიროებისათვის დანიშნული ექსპერტიზის ჩატარების ღირებულებას, იმ შემთხვევაში, თუ აღნიშნულმა ექსპერტიზამ ნარჩენები ცნო სახიფათოდ, აანაზღაურებს პირი, რომლის მიმართაც შედგენილია ადმინისტრაციული სამართალდარღვევის ოქმი.

მუხლი 37. ტრანსპორტირებისას ნარჩენებით გარემოს დანაგვიანება ან დაბინძურება

1. არასახიფათო ნარჩენების ტრანსპორტირებისას არასახიფათო ნარჩენებით გარემოს დანაგვიანება ან დაბინძურება, - გამოიწვევს ფიზიკური პირის დაჯარიმებას 200 ლარის ოდენობით, ხოლო იურიდიული პირის დაჯარიმებას – 400 ლარის ოდენობით.
2. სახიფათო ნარჩენების ტრანსპორტირებისას სახიფათო ნარჩენებით გარემოს დანაგვიანება ან დაბინძურება, - გამოიწვევს ფიზიკური პირის დაჯარიმებას 350 ლარის ოდენობით, ხოლო იურიდიული პირის დაჯარიმებას – 800 ლარის ოდენობით.

მუხლი 38. სახიფათო ნარჩენების ტრანსპორტირება სატრანსპორტო საშუალების დაშვების მოწმობის გარეშე

სახიფათო ნარჩენების ტრანსპორტირების განხორციელება სატრანსპორტო საშუალების დაშვების მოწმობის გარეშე, - გამოიწვევს დაჯარიმებას 200 ლარის ოდენობით.

მუხლი 39. სახიფათო ნარჩენების სხვა ნარჩენებთან შერევა

1. 20 კგ-ზე ნაკლები ოდენობის სახიფათო ნარჩენების შერევა სხვა ნარჩენებთან, ნივთიერებებთან ან მასალებთან, სამინისტროს წინასწარი თანხმობის გარეშე, - გამოიწვევს ფიზიკური პირის დაჯარიმებას 200 ლარის ოდენობით, ხოლო იურიდიული პირის დაჯარიმებას – 300 ლარის ოდენობით.
2. 20 კგ ან მეტი ოდენობის სახიფათო ნარჩენების შერევა სხვა ნარჩენებთან, ნივთიერებებთან ან მასალებთან, სამინისტროს წინასწარი თანხმობის გარეშე, - გამოიწვევს ფიზიკური პირის დაჯარიმებას 550 ლარის ოდენობით, ხოლო იურიდიული პირის დაჯარიმებას – 1500 ლარის ოდენობით.

**მუხლი 40. ნარჩენების შეგროვების, ტრანსპორტირების,
წინასწარი დამუშავებისა და დროებითი შენახვის
რეგისტრაციის წესების ან მუნიციპალური ნარჩენების
შეგროვებისა და დამუშავების წესის დარღვევა**

1. ნარჩენების შეგროვება და ტრანსპორტირება დადგენილი წესით რეგისტრაციის გარეშე, - გამოიწვევს დაჯარიმებას 1000 ლარის ოდენობით.
2. არასახიფათო ნარჩენების წინასწარი დამუშავების ობიექტების მოწყობა და ოპერირება დადგენილი წესით რეგისტრაციის გარეშე, - გამოიწვევს დაჯარიმებას 2000 ლარის ოდენობით.
3. წელიწადში 2-დან 10 ტონამდე ნარმადობის სახიფათო ნარჩენების შენახვის ობიექტის მოწყობა და ოპერირება დადგენილი წესით რეგისტრაციის გარეშე, - გამოიწვევს დაჯარიმებას 2000 ლარის ოდენობით.
4. ნარჩენების გადამტკირთი სადგურების მოწყობა და ოპერირება დადგენილი წესით რეგისტრაციის გარეშე, - გამოიწვევს დაჯარიმებას 2000 ლარის ოდენობით.
5. ამ კოდექსით გათვალისწინებული რეგისტრაციის პირობების შეუსრულებლობა, - გამოიწვევს დაჯარიმებას 1000 ლარის ოდენობით.
6. მუნიციპალური ნარჩენების შეგროვებისა და დამუშავების წესის დარღვევა - გამოიწვევს დაჯარიმებას 2000 ლარის ოდენობით.
7. მუნიციპალური ნარჩენების მართვის გეგმის ამ კოდექსით გათვალისწინებულ ვადებში შეუმუშავებლობა ან/და ამ გეგმით გათვალისწინებული ღონისძიებების შეუსრულებლობა, - გამოიწვევს დაჯარიმებას 5000 ლარის ოდენობით.

მუხლი 41. არსებული ნაგავსაყრელის ოპერირების ვადებისა და პირობების დარღვევა

ამ კოდექსით დადგენილი არსებული ნაგავსაყრელის ოპერირების ვადებისა და პირობების დარღვევა, - გამოიწვევს დაჯარიმებას 3000 ლარის ოდენობით.

მუხლი 42. კომპანიის გარემოსდაცვითი მმართველის განსაზღვრის ან/და მისი ვინაობის სამინისტროსთვის შეტყობინების ვალდებულების შეუსრულებლობა

კომპანიის გარემოსდაცვითი მმართველის განსაზღვრის ან/და მისი ვინაობის სამინისტროსთვის შეტყობინების ვალდებულების შეუსრულებლობა, - გამოიწვევს დაჯარიმებას 200 ლარის ოდენობით.

მუხლი 43. კომპანიის ნარჩენების მართვის გეგმის წარდგენის მოთხოვნების დარღვევა

1. მუნიციპალიტეტების მოთხოვნის შემთხვევაში, კომპანიის მიერ მართვის გეგმის მიუწოდებლობა, - გამოიწვევს დაჯარიმებას 200 ლარის ოდენობით.
2. კომპანიის ნარჩენების მართვის გეგმის დადგენილ ვადებში წარუდგენლობა, - გამოიწვევს დაჯარიმებას 250 ლარის ოდენობით.

მუხლი 44. ნარჩენების აღრიცხვისა და ანგარიშგების ვალდებულებების შეუსრულებლობა

ნარჩენების აღრიცხვისა და ანგარიშგების ვალდებულების შეუსრულებლობა, - გამოიწვევს დაჯარიმებას 200 ლარის ოდენობით.

მუხლი 45. სახიფათო ნარჩენების მართვასთან დაკავშირებული სპეციალური ვალდებულებების შეუსრულებლობა

1. სახიფათო ნარჩენებთან მომუშავე პერსონალის ინფორმირებისა და შესაბამისი სწავლების ჩატარების ვალ-

- დებულების შეუსრულებლობა, - გამოიწვევს დაჯარიმებას 200 ლარის ოდენობით.
2. სახიფათო ნარჩენების სეპარირებისა და შეგროვების სისტემის ჩამოყალიბების ვალდებულების შეუსრულებლობა, - გამოიწვევს დაჯარიმებას 600 ლარის ოდენობით.

მუხლი 46. ამ კოდექსის 47-ე მუხლით გათავალისწინებული ადმინისტრაციული სამართალდარღვევების შესახებ ოქმის შედგენის უფლებამოსილების მქონე ორგანოების მოთხოვნათა შეუსრულებლობა

1. ამ კოდექსით გათვალისწინებული ადმინისტრაციული სამართალდარღვევების ჩადენის შემდეგ მათი აღმოფხვრის თაობაზე ოქმის შედგენის უფლებამოსილების მქონე შესაბამისი ორგანოს ადმინისტრაციული მიწერილობით დაკისრებული მოვალეობის დადგენილ ვადებში შეუსრულებლობა, - გამოიწვევს ადმინისტრაციული სახდელის (ჯარიმის) დადებას ამ კოდექსის იმ შესაბამისი მუხლის ან მუხლის ნაწილის სანქციის ფარგლებში, რომლის დარღვევის გამოც პირს დაეკისრა სამართალდარღვევის აღმოფხვრა.
2. ამ კოდექსით გათვალისწინებული ადმინისტრაციული სამართალდარღვევების შესახებ ოქმის შედგენის უფლებამოსილების მქონე ორგანოების თანამშრომელთა უფლებების განხორციელებისა და მოვალეობების შეუსრულებისათვის ხელის შემლა - გამოიწვევს დაჯარიმებას 5 000 ლარის ოდენობით.
3. ამ კოდექსით გათვალისწინებული ადმინისტრაციული სამართალდარღვევების შესახებ ოქმის შედგენის უფლებამოსილების მქონე ორგანოების თანამშრომელთა კანონიერი მოთხოვნების შეუსრულებლობა (მათ შორის საქართველოს კანონმდებლობით გათვალისწინებული

დოკუმენტების, მასალებისა და ინფორმაციის წარუდგენლობა, შემოწმების პროცესში შესამოწმებელი ობიექტის მიერ ნარმომადგენლობის უზრუნველყოფის მოთხოვნის უგულებელყოფა) - გამოიწვევს დაჯარიმებას 500 ლარის ოდენობით.

მუხლი 47. სამართალდარღვევის საქმის წარმოება

1. ამ კოდექსით გათვალისწინებული ადმინისტრაციული სამართალდარღვევის საქმის წარმოება და სანქციების შეფარდება ხორციელდება ამ კოდექსითა და საქართველოს ადმინისტრაციულ სამართალდარღვევათა კოდექსით დადგენილი წესით.
2. ამ კოდექსის 31-ე-46-ე მუხლებით გათვალისწინებული სამართალდარღვევის განმეორებით ჩადენა გამოიწვევს ჯარიმის ოდენობის გაორმაგებას.
3. ამ კოდექსის 31-ე-35-ე და 37-ე მუხლებით გათვალისწინებული სამართალდარღვევის ჩადენა სახელმწიფო ნაკრძალის, ეროვნული პარკის ბუნების მკაცრი დაცვის ზონის, ბუნების ძეგლის, ბიოსფერული რეზერვატის პირთვის (ბუნების მკაცრი დაცვის) ზონის, მსოფლიო მემკვიდრეობის უბნის, საერთაშორისო მნიშვნელობის ჭარბტენიანი ტერიტორიის დადგენილი საზღვრების ფარგლებში გამოიწვევს ჯარიმის ოდენობის გაორმაგებას, ხოლო სამართალდარღვევის განმეორებით ჩადენა გამოიწვევს ჯარიმის გაოთხმაგებას.
4. სანებართვო პირობების დარღვევის შემთხვევაში გამოიყენება „ლიცენზიებისა და ნებართვების შესახებ“ საქართველოს კანონითა და ადმინისტრაციულ სამართალდარღვევათა კოდექსით დადგენილი წესები.
5. ამ თავით განსაზღვრული პასუხისმგებლობის დაკისრება სამართალდარღვევის ჩამდენს არ ათავისუფლებს გარე-

- მოსთვის მიყენებული ზიანის დადგენილი ოდენობითა და წესით ანაზღაურების ვალდებულებისაგან.
6. ამ კოდექსის 31-ე-36-ე, 39-ე-42-ე, 43-ე მუხლის პირველი ნაწილით, 44-ე - 46-ე მუხლებით გათვალისწინებულ ადმინისტრაციულ სამართალდარღვევათა შესახებ ოქმებს ადგენენ სამინისტროს სისტემაში შემავალი დაწესებულებების უფლებამოსილი თანამშრომლები.
 7. ამ კოდექსის 31-ე, 32-ე, 33-ე, 34-ე, 36-ე მუხლის მე-2 ნაწილით, 37-ე, 38-ე მუხლებითა და მე-40 მუხლის პირველი ნაწილით გათვალისწინებულ ადმინისტრაციულ სამართალდარღვევათა შესახებ ოქმებს ადგენენ საქართველოს შინაგან საქმეთა სამინისტროს უფლებამოსილი ორგანოს თანამშრომლები.
 8. ამ კოდექსის 31-ე-35-ე, 36-ე მუხლის პირველი და მე-2 ნაწილებით, 39-ე მუხლით და 43-ე მუხლის მე-2 ნაწილით გათვალისწინებულ ადმინისტრაციულ სამართალდარღვევათა შესახებ ოქმებს ადგენენ ადგილობრივი თვითმმართველობის ორგანოს უფლებამოსილი თანამშრომლები.
 9. რაიონული (საქალაქო) სასამართლო განიხილავს ადმინისტრაციულ სამართალდარღვევათა საქმეებს, რომლებიც გათვალისწინებულია ამ კოდექსის 31-ე-46-ე მუხლებით.
 10. სამინისტროს სისტემაში შემავალი დაწესებულებების უფლებამოსილ თანამშრომლებს აქვთ ამ კოდექსის - 31-ე მუხლის პირველი, მე-2, მე-4-მე-9 ნაწილებით, 32-ე-36-ე, 39-ე-42-ე, 43-ე მუხლის პირველი ნაწილით, 44-ე-46-ე მუხლებით გათვალისწინებულ ადმინისტრაციულ სამართალდარღვევათა საქმეების განხილვისა და ადმინისტრაციული სახდელების დადების უფლება.
 11. საქართველოს შინაგან საქმეთა სამინისტროს უფლებამოსილი ორგანოს თანამშრომლებს აქვთ ამ კოდექსის - 31-ე, 32-ე, 33-ე, 34-ე, 36-ე მუხლის მე-2 ნაწილით, 37-ე, 38-ე მუხ-

- ლებითა და მე-40 მუხლის პირველი ნაწილით გათვალისწინებულ ადმინისტრაციულ სამართალდარღვევათა საქმეების განხილვისა და ადმინისტრაციული სახდელების დადების უფლება.
12. ადგილობრივი თვითმმართველობის ორგანოს უფლებამოსილ თანამშრომლებს აქვთ ამ კოდექსის 31-ე-35-ე, 36-ე მუხლის პირველი და მე-2 ნაწილებით, 39-ე მუხლით და 43-ე მუხლის მე-2 ნაწილით გათვალისწინებულ ადმინისტრაციულ სამართალდარღვევათა საქმეების განხილვისა და ადმინისტრაციული სახდელების დადების უფლება.
 13. ამ კოდექსით გათვალისწინებული სამართალდარღვევაბის ჩადენისას, თუ სამართალდარღვევა არ საჭიროებს ადმინისტრაციულ გამოკვლევას, ოქმის შედგენაზე უფლებამოსილი პირი, ადგილზე განიხილავს ადმინისტრაციული სამართალდარღვევის საქმეს და სამართალდამრღვევს ადგილზევე შეუფარდებს ადმინისტრაციულ სახდელს.
 14. ამ მუხლის მე-12 ნაწილით გათვალისწინებულ შემთხვევაში ჯარიმა ადგილზე არ გადაიხდევინება და სამართალდამრღვევს ადგილზე გამოწერება საჯარიმო ქვითარი, რომელიც იმავდროულად არის ადმინისტრაციული სამართალდარღვევის შესახებ ოქმი.
 15. ამ მუხლის მე-13 ნაწილით გათვალისწინებული საჯარიმო ქვითრის ფორმას და მისი შევსების, ჩაბარებისა და წარდგენის წესს კანონქვემდებარე ნორმატიული აქტით განსაზღვრავს შესაბამისად საქართველოს გარემოსა და ბუნებრივი რესურსების სამინისტრო, საქართველოს შინაგან საქმეთა სამინისტრო და ადგილობრივი თვითმმართველობის წარმომადგენლობითი ორგანო.
 16. ამ კოდექსით გათვალისწინებული ადმინისტრაციული სამართალდარღვევისათვის შედგენილი ადმინისტრაციული სამართალდარღვევების შესახებ ოქმი დამრღვევის მიერ საჩივრდება სასამართლოში.

თავი XI გარდამავალი და დასკვნითი დეპულებები

მუხლი 48. ამ კოდექსის ამოქმედებასთან დაკავშირებული გარდამავალი დეპულებები

1. ამ კოდექსის მე-11 მუხლის პირველი ნაწილით გათვალისწინებული ნარჩენების მართვის სტრატეგია და მე-12 მუხლის პირველი ნაწილით გათვალისწინებული ეროვნული სამოქმედო გეგმა მიღებული უნდა იქნას 2015 წლის 31 დეკემბრამდე;
2. ამ კოდექსის მე-11 მუხლის მე-2 ნაწილის შესაბამისად, სამინისტრომ უნდა შეიმუშავოს ეროვნული სტრატეგია ნაგავსაყრელზე განსათავსებელი ბიოდეგრადირებადი მუნიციპალური ნარჩენების რაოდენობის შემცირების შესახებ 2019 წლის 31 დეკემბრამდე;
3. ამ კოდექსის მე-13 მუხლით განსაზღვრული მუნიციპალური ნარჩენების მართვის გეგმა თითოეულმა მუნიციპალიტეტმა უნდა მიიღოს 2017 წლის 31 დეკემბრამდე.
4. ამ კოდექსის მე-14 მუხლის პირველი ნაწილით განსაზღვრული კომპანიის ნარჩენების მართვის პირველი გეგმა უნდა შემუშავდეს 2016 წლის 31 დეკემბრამდე;
5. ამ კოდექსის 31-ე მუხლის პირველი, მე-7 (გარდა იურიდიული პირებისა), მე-9 (გარდა იურიდიული პირებისა) ნაწილებით და 35-ე მუხლის პირველი ნაწილით გათვალისწინებული პასუხისმგებლობა არ გავრცელდება შესაბამისი მუნიციპალიტეტის წარმომადგენლობითი ორგანოს მიერ აქტით განსაზღვრულ დასახლებული პუნქტების ტერიტორიებზე, სადაც არ ფუნქციონირებს მუნიციპალური ნარჩენების შეგროვების და გატანის სისტემა, ამ კოდექსის ძალაში შესვლიდან ერთი წლის განმავლობაში.

მუხლი 49. ამ კოდექსის საფუძველზე მისაღები კანონქვემდებარე ნორმატიული აქტები

1. საქართველოს მთავრობის მიერ 2015 წლის 1 აგვისტომდე მიღებულ იქნეს:
 - ა) „ნარჩენების ნუსხის და კლასიფიკირების შესახებ, სახეობებისა და მახასიათებლების შესახებ“ დადგენილება ამ კოდექსის მე-2 მუხლის მე-3 ნაწილის მიხედვით;
 - ბ) „ნაგავსაყრელების მოწყობის, ოპერირების, დახურვის და შემდგომი მოვლის შესახებ“ დადგენილება ამ კოდექსის 22-ე მუხლის პირველი ნაწილის შესაბამისად;
 - გ) „ნარჩენების აღრიცხვის წარმოების, ანგარიშების განხორციელების ფორმისა და შინაარსის შესახებ“ დადგენილება ამ კოდექსის 29-ე მუხლის მე-4 ნაწილის შესაბამისად;
2. საქართველოს მთავრობის მიერ 2016 წლის 1 თებერვლამდე მიღებულ იქნეს:
 - ა) „მუნიციპალური ნარჩენების შეგროვებისა და დამუშავების წესის შესახებ“ დადგენილება ამ კოდექსის მე-16 მუხლის მე-5 ნაწილის შესაბამისად;
 - ბ) „ნარჩენების შეგროვების, ტრანსპორტირების, წინასწარი დამუშავებისა და დროებითი შენახვის რეგისტრაციის წესის და პირობების შესახებ“ დადგინელება ამ კოდექსის 26-ე მუხლის მე-3 ნაწილის შესაბამისად;
 - გ) „სხვადასხვა სახიფათო ნარჩენების შეგროვებისა და დამუშავების სპეციალური მოთხოვების შესახებ“ დადგენილება ამ კოდექსის მე-20 მუხლის შესაბამისად.
3. საქართველოს მთავრობის მიერ 2017 წლის 1 თებერვლამდე მიღებულ იქნეს დადგენილება ნარჩენების ინსინერაციისა და ნარჩენების თანაინსინერაციის შესახებ.
4. 2019 წლის 1 თებერვლამდე სამინისტრო, საქართველოს ეკონომიკისა და მდგრადი განვითარების სამინისტროსთან და დაინტერესებულ პირებთან თანამშრომლობის

- გზით, შეიმუშავებს და საქართველოს მთავრობას მისაღებად წარუდგენს დადგენილებებს სხვადასხვა სპეციფიკური ნარჩენების შესახებ, ამ კოდექსის მე-9 მუხლის მე-5 ნაწილის შესაბამისად.
5. 2016 წლის 1 თებერვლამდე საქართველოს ეკონომიკისა და მდგრადი განვითარების სამინისტრო, სამინისტროსთან ერთად, შეიმუშავებს და საქართველოს მთავრობას მისაღებად წარუდგენს ერთ ან რამდენიმე კანონქვემდებარე აქტს, რომლითაც განისაზღვრება ნარჩენების ტრანსპორტირებასთან დაკავშირებული მოთხოვნები, ამ კოდექსის მე-6 მუხლის მე-6 ნაწილის და მე-7 მუხლის მე-7 ნაწილის შესაბამისად.
 6. 2017 წლის 1 თებერვლამდე საქართველოს შრომის, ჯანმრთელობისა და სოციალური დაცვის სამინისტრო, სამინისტროსთან ერთად, გამოსცემს კანონქვემდებარე აქტს სამედიცინო ნარჩენების მართვის შესახებ, ამ კოდექსის მე-6 მუხლის მე-3 ნაწილის შესაბამისად;
 7. 2017 წლის 1 თებერვლამდე საქართველოს სოფლის მეურნეობის სამინისტრო და სამინისტრო ამ კოდექსის მე-6 მუხლის მე-4 ნაწილის შესაბამისად გამოცემენ ერთობლივ კანონქვემდებარე აქტს „ცხოველური ნარჩენების მართვის შესახებ“.
 8. 2015 წლის 1 აგვისტომდე საქართველოს გარემოსა და ბუნებრივი რესურსების მინისტრი გამოსცემს ბრძანებას „ნარჩენების მართვის გეგმის განხილვისა და შეთანხმების წესი“-ს შესახებ, ამ კოდექსის მე-14 მუხლის მეორე ნაწილის შესაბამისად.

მუხლი 50. კოდექსის ამოქმედება

1. ეს კოდექსი, გარდა ამ კოდექსის მე-7 მუხლის მე-7 ნაწილისა, მე-9 მუხლისა, მე-15 მუხლის პირველი ნაწილისა, მე-16 მუხლის პირველი ნაწილის „ბ“ ქვეპუნქტისა და მე-7 ნაწილისა, 18-ე მუხლის პირველი ნაწილის „ა“ ქვეპუნქტი-

სა, 26-ე, 29-ე, 30-ე და 38-ე მუხლებისა, 40-ე მუხლის პირველი-მე-6 ნაწილების, 42-ე, 44-ე და 45-ე მუხლებისა. ამოქმედდეს 2015 წლის 15 იანვრიდან.

2. ამ კოდექსის მე-15 მუხლის პირველი ნაწილი, მე-40 მუხლის მე-6 ნაწილი და 42-ე მუხლი ამოქმედდეს 2016 წლის 1 თებერვლიდან.
3. ამ კოდექსის 29-ე, 30-ე და 44-ე მუხლები ამოქმედდეს 2016 წლის 1 აგვისტოდან.
4. ამ კოდექსის მე-7 მუხლის მე-7 ნაწილი, მე-18 მუხლის პირველი ნაწილის „ა“ ქვეპუნქტი, 38-ე და 45-ე მუხლები ამოქმედდეს 2017 წლის 1 თებერვლიდან.
5. ამ კოდექსის მე-16 მუხლის მე-7 ნაწილი, 26-ე მუხლი და მე-40 მუხლის პირველი-მე-5 ნაწილები ამოქმედდეს 2018 წლის 1 თებერვლიდან.
6. ამ კოდექსის მე-9 მუხლი და მე-16 მუხლის პირველი ნაწილის „ბ“ ქვეპუნქტი ამოქმედდეს 2019 წლის 1 თებერვლიდან.

დანართი

დანართი I. აღდგენის ოპერაციები

- R 1 გამოყენება საწვავად ან სხვა გზით ენერგიის მისაღებად
- R 2 გამხსნელის აღდგენა/რეგენერირება
- R 3 იმ ორგანული ნივთერებების რეციკლირება/აღდგენა, რომელიც არ გამოიყენება როგორც გამხსნელები (კომპოსტირებისა და სხვა ბიოლოგიური ტრანსფორმაციის პროცესების ჩათვლით)¹
- R 4 მეტალებისან მეტალების ნაერთების გადამუშავება/აღდგენა სხვა არაორგანული ნივთერებების გადამუშავება/აღდგენა²
- R 5 მუავების ან ფუძეების რეგენერაცია
- R 6 კომპონენტების აღდგენა დაბინძურების შესამცირებლად
- R 7 კომპონენტების აღდგენა კატალიზატორებიდან
- R 8 ნავთობპროდუქტების ხელახალი გამოხდა ან სხვაგვარი ხელახალი გამოყენება
- R 9 მიწის დამუშავება, რასაც სარგებელი მოაქვს სოფლის მეურნეობისთვის ან გამოასწორებს ეკოლოგიურ მდგომარეობას
- R 10 R1-დან R10-ჩათვლით ჩამოთვლილი ნებისმიერი ოპერაციის შედეგად მიღებული ნარჩენების გამოყენება
- R 11 ნარჩენების გაცვლა R1-დან R11³-ში ჩამოთვლილი ოპერაციების განსახორციელებლად
- R 12 R1-დან R12 ნებისმიერი ოპერაციებისთვის განკუთვნილი ნარჩენების დასაწყოება (ეს არ მოიცავს ნარჩენების ნარმოქმნის ადგილზე დროებით დასაწყობებას, შეგროვებისთვის მომზადებას)

¹ ეს მოიცავს გაზიფიკაციასა და პიროლიზს.

² ეს მოიცავს ნიადაგის განმენდას, რომლის შედეგადაც ხდება ნიადაგის აღდგენა და არაორგანული სამშენებლო მასალების რეციკლირება.

³ თუ არ გამოიყენება სხვა R კოდი, აյ მოიაზრება წინასწარი დამუშავება აღდგენამდე, როგორცაა - დაშლა, სორტირება, დასრუსვა, კომპაქტირება, პალეტირება, გაშრობა, დაქუცმაცება, გადაფუთვა, სეპარირება ან შერევა R1-დან R11-მდე მოცემული რომელიმე ოპერაციის განხორციელების მიზნით ჩაბარებამდე.

დანართი II. განთავსების ოპერაციები

- D 1 განთავსება მიწაში ან მიწაზე (მაგ. ნაგავსაყრელი და სხვ.)
- D 2 ნიადაგის დამუშავება (მაგ. ნიადაგში ჩაშვებული სითხეების ან ლექისებრი ნარჩენების ბიოდეგრადირება და სხვ.)
- D 3 ღრმა ჩაშვება (მაგ. ჭაბურლილებში, მარილოვან თაღებში ან ბუნებრივ რეზისუარებში ნარჩენების ჩაშვება)
- D 4 ზედაპირული ჩაშვება (მაგ. თხევადი ან ლექისებრი ნარჩენების ჩაშვება ქვაბურებში, გუბურებში ან აუზებში და სხვ.)
- D 5 განთავსება სპეციალურად მოწყობილ ნაგავსაყრელზე (მაგ. ცალკე უჯრედებში განთავსება, რომლებიც დახურულია და იზოლირებულია ერთმანეთისგან და გარემოსგან და სხვ.)
- D 6 წყალსატევებში ჩაშვება გარდა ზღვებისა/ოკეანეებისა
- D 7 ზღვებში/ოკეანეებში ჩაშვება მათ შორის ზღვის ფსკერში ჩამარხვა
- D 8 ბიოლოგიური დამუშავება, რომელიც არ არის მოცემული ამ დანართში, რომლის შედეგად მიღებული საბოლოო ნაერთები ან ნარევები D1-დან D12-ის ჩათვლით ჩამოთვლილი ოპერაციების საშუალებით არის განთავსებული.
- D 9 ფიზიკური-ქიმიური დამუშავება, რომელიც არ არის მოცემული ამ დანართში, რომლის შედეგად მიღებული საბოლოო ნაერთები ან ნარევები D1-დან D12-ის ჩათვლით ჩამოთვლილი ოპერაციების საშუალებით არის განთავსებული (მაგ. აორთქლება, გაშრობა, კალცინირება და სხვ.)
- D 10 ინსინერაცია მიწაზე
- D 11 ინსინერაცია ზღვაზე⁴
- D 12 მუდმივი დასაწყობება (მაგ. კონტეინერების მაღაროში განთავსება და სხვ.)

⁴ ეს ოპერაცია აკრძალულია საერთაშორისო კონვენციებით.

- D 13 შერევა D1-დან D12-ის ჩათვლით მოცემული ოპერა-
ციების დაწყებამდე.⁵
- D 14 გადაფუტვა D1-დან D13-ის ჩათვლით მოცემული ოპერა-
ციების დაწყებამდე.
- D 15 D1-დან D14-ის ჩათვლით მოცემული ოპერაციების მიმ-
დინარების დროს შენახვა (აქ არ შედის ნარჩენების წარ-
მოშობის ადგილზე დროებითი დასაწყობება, შეგროვები-
სთვის მომზადება)

დანართი III სახიფათო ნარჩენების განმსაზღვრელი მახასიათებლები

- H 1 „ფეთქებადი“ – ნივთიერებები და პრეპარატები, რომ-
ლებიც შესაძლოა აფეთქდეს ცეცხლის ალის ზემოქმედებ-
ით ან რომლებიც უფრო მგრძნობიარეა ხახუნის მიმართ
ვიდრე დინიტრობენზოლი.
- H 2 „მჟანგავი“: ნივთიერებები და პრეპარატები, რომლებიც
ავლენენ მაღალ ეგზოთერმულ რეაქციებს სხვა ნივთიერ-
ებებთან, კერძოდ კი აალებად ნივთიერებებთან ურთ-
იერთქმედებისას.
- H 3 -A „ადვილად აალებადი“
 - თხევადი ნივთიერებები და პრეპარატები, რომლებ-
საც აალების ნიშნული 21°C-ზე ქვემოთ აქვთ (მათ შორის
უკიდურესად აალებადი სითხეები), ან
 - ნივთიერებები და პრეპარატები, რომლებიც ჰაერთან
ჩვეულებრივ ტემპერატურაზე ურთიერთქმედებისას,
ყოველგვარი ენერგიის გამოყენების გარეშე, შესაძლოა
გაცხელდნენ და ცეცხლი გაუჩნდეთ ან
 - მყარი ნივთიერებები ან პრეპარატები, რომლებსაც
გააჩნიათ ცეცხლის გაჩერის უნარი აალების წყაროსთან

⁵ თუ არ გამოიყენება სხვა D კოდი, აქ შესაძლებელია მოვიაზროთ წინას-
წარი დამუშავება განთავსებამდე, როგორიცაა, სორტირება, დასრესვა,
კომპაქტირება, პალეტირება, გაშრობა, დაქუცმაცება ან სეპარირება D1-
დან D12-მდე მოცემული რომელიმე ოპერაციის განხორციელების მიზნით
ჩაბარებამდე.

- მცირე კონტაქტით და რომლებიც აგრძელებენ წვას ან
შთანთქვას აალების წყაროს მოშორების შემდეგაც;
 - აირისებრი ნივთიერებები ან პრეპარატები, რომლებიც
ჰაერში აალებადია ჩვეულებრივი წნევის ქვეშ ან
 - ნივთიერებები ან პრეპარატები, რომლებიც წყალთან ან
ნოტიო ჰაერთან ურთიერთქმედებისას გამოყოფენ ად-
ვილად აალებად აირებს საშიში ოდენობით.
- H 3 -B „აალებადი“ – თხევადი ნივთიერებები და პრეპარატე-
ბი, რომელთა აალების ნიშნული ტოლია ან მეტია 21 °C-ზე
და ნაკლებია ან ტოლია 55 °C-სა.
- H 4 „გამაღიზიანებელი“ – არა-კოროზიული ნივთიერებები ან
პრეპარატები, რომლებმაც, კანთან ან ლორწოვან მემბრა-
ნასთან დაუყოვნებელი, განგრძობადი ან განმეორებადი
ურთიერთქმედებით შესაძლოა გამოიწვიონ ანთება.
- H 5 „მავნე“ – ნივთიერებები ან პრეპარატები, რომლეთა შეს-
უნთქვა, ჩაყლაპვა ან კანში შეღწევა ჯანმრთელობისათ-
ვის სარისკოა.
- H 6 „ტოქსიური“ – ნივთიერებები და პრეპარატები (მათ შო-
რის მეტად ტოქსიური ნივთიერებები და პრეპარატები),
რომლებმაც შესუნთქვის, ჩაყლაპვის ან კანში შეღწევის
შემთხვევაში შესაძლოა ჯანმრთელობის სერიოზული,
მკვეთრი ან ქრონიკული დაზიანება ან სიკვდილიც კი გა-
მოიწვიოს.
- H 7 „კანცეროგენული“ – ნივთიერებები და პრეპარატები, რო-
მელთა შესუნთქვამ, ჩაყლაპვამ ან კანში შეღწევამ შესა-
ძლოა გამოიწვიოს სიმსივნე ან გაზარდოს მისი გაჩენის
ალბათობა.
- H 8 „კოროზიული“ – ნივთიერებები ან პრეპარატები, რომ-
ლებმაც შესაძლოა დამალონ ცოცხალი ქსოვილი მასთან
ურთიერთქმედებისას.
- H 9 „ინფექციური“ – ნივთიერებები და პრეპარატები, რომ-
ლებიც შეიცავენ ისეთ მიკროორგანიზმებს ან მათ
ტოქსინებს, თუ ცნობილია ან არსებობს საფუძვლიანი

ეჭვი, რომ მათ შეუძლიათ გამოიწვიონ ადამიანის ან სხვა ცოცხალი ორგანიზმის დაავადება.

- H 10 „ტოქსიური რეპროდუქციისთვის“ – ნივთიერებები და პრეპარატები, რომლებმაც შესუნთქვის, ჩაყლაპვის ან კანში შეღწევის შემთხვევაში შესაძლოა გამოიწვიონ არამემკვიდრეობითი თანდაყოლილი პათოლოგიები ან გაზარდონ ასეთის განვითარების ალბათობა.
- H 11 „მუტაგენური“ – ნივთიერებები და პრეპარატები, რომლებ-მაც შესუნთქვის ან ჩაყლაპვის ან კანში შეღწევის შემთხ-ვევაში, შესაძლოა გამოიწვიონ მემკვიდრეობითი გენე-ტიკიური დეფექტები ან გაზარდონ მათი განვითარების შესაძლებლობა.
- H 12 ნარჩენები, რომლებიც გამოყოფენ ტოქსიურ ან მეტად ტოქსიურ აირებს წყალთან, ჰაერთან ან მჟავასთან კონ-ტაქტისას.
- H 13⁶ „სენსიბილური“ – ნივთიერებები და პრეპარატები, რომ-ლებსაც ჩაყლაპვის ან კანში შეღწევის შემთხვევაში შეუ-ძლიათ გამოიწვიონ ისეთი ჰიპერმგრძნობიარე რეაქცია, რომ ამ ნივთიერების ან პრეპარატის ხანგძლივი ზემოქ-მედების შემთხვევაში, შესაძლოა განვითარდეს დამახას-იათებელი უარყოფითი გავლენა.
- H 14 „ეკოტოქსიური“ – ნარჩენები, რომლებიც წარმოადგენენ ან შესაძლოა წარმოადგენდენ დაუყოვნებელ ან განგრძობად რისკს გარემოს ერთი ან რამდენიმე სექტორისათვის.
- H 15 ნარჩენები, რომლებსაც განთავსების შემდეგ შეუძლიათ გამოყონ სხვა ნივთიერება, მაგ. გამონაურნი, რომელსაც აქვს ზემოთ ჩამოთვლილი რომელიმე თვისება.

⁶ თუ ხელმისაწვდომია ტესტირების მეთოდები.